



Pashentnan y comunidad cu hopi critica tocante decision di AZV di terminacion di contract cu Dr. Boderie



Pagina 3

- **Vandalismo contra naturalesa di Aruba na Arashi**

Pagina 2

- **Resultado di investigacion di ARA ta indica cu WEB Aruba N.V. tabata unico instancia cu resultado financiero positivo**

Pagina 4

- **Tur esfuerzo ta dirigi pa por entrega presupuesto 2025 na tempo na parlamento di Aruba**

Pagina 6

Tin duda di su integridad:
Controversia alrededor di sr.
Nuboer su nombramento como
director nobo di Arubus



Pagina 2

Politico herida y su casa
fayeci a causa di tiroteo na
Sint Maarten



Pagina 8

Polisnan di Kenia ta
enfrenta gangnan arma di
Haiti pa prome biaha



Pagina 11

2,000,000 SUMMER POINT GIVEAWAY

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or
8 Table Credits and play again — up to 5X each day

See Players' Club for full rules. Points can be converted to Free Slot Play.

Alhambra
CASINO AND SHOPS

Open daily 10am to 3am | J.E. Irausquin Blvd #47 | 583.5000 | casinoalhambra.com



Tin duda di su integridad:

Controversia alrededor di Sr. Nuboer su nombramento como director nobo di Arubus

Algun dia atras minister di Transport, Integridad, Naturalesa y Asunto di Adulto Mayor, Ursell Arends, a anuncia cu director di Arubus, Sr. Edwin Mohamed, a tuma su retiro inmediato. Esaki a trece especulacion tocante ken lo bira su reemplazo y e nomber di e ex presidente di ARA, Sr. Frederick Nuboer, a ser menciona.



Na momento cu e noticia a bira conoci cu gobierno a alivia Sr. Mohamed di su cargo di forma inmediato, reportera di Bon Dia Aruba a tuma contacto cu minister Arends pa puntra en berdad tabatin otro persona caba cu lo asumi e cargo aki of si tin un candidato, kico ta e proceso pa apunta un director nobo y kico ta e motibo cu a dicidi pa libera Sr. Mohamed di su cargo.

Minister Arends a splica den

su contesta cu e situacion financiero di Arubus ta critico cual a ser confirma pa varios instancia profesional y imparcial. El a indica cu tin un diferencia di opinion y un diferencia fundamental di vision entre e accionista y hunta di directiva, compara cu e director saliente.

El a señala cu e punto di salida di Gobierno ta cu Arubus no por sigui depende solamente riba fondonan publico y cu e instancia mester expande su

servicionan comercial tambe, na mes manera cu tur otro N.V.

Tocante nombramento di un director nobo, el a splica cu na prome instante lo apunta un gerente temporario, mientras cu e hunta di comisario independiente di gobierno ta traha riba seleccion di un gerente nobo na un forma transparente y conforme e reglanan di 'Good Governance'.

Siguiente dia e noticiero local

Noticia Cla a publica cu minister Arends a confirma cu Sr. Frederick Nuboer ta un candidato pa bira director interino di Arubus. E mesun portal a informa cu Sr. Nuboer mes tambe a confirma na e portal cu el a ser acerca pa e posicion di director interino.

Recientemente a sali na cla cu tabatin duda di Sr. Nuboer su integridad y su nombramento a causa controversia. Reportera di Bon Dia Aruba a contacta minister Arends pa confirma di e informacion aki ta corecto, pero te cu e ciere di e edicion aki no a ricibi contesta for di e minister.

Durante un conferencia di prensa dialuna mainta prome minister Evelyn Wever-Croes a ricibi pregunta for di miembro di prensa tocante e mesun topico y e mandatario a splica cu e nombramento di señor Nuboer en berdad a causa controversia.

El a sigui splica cu e situacion actual di Arubus ta delicado y mester un director cu tin un reputacion y integridad intachable pa lidera e compania, tanto internamente pa haya e respet di e empleadonan y externamente unda tur stakeholder mester atende cu e compania pa solucionar problemanan. Pa e motibonan ey Gobierno a pidi Arubus reconsidera e nombramento aki.

"No por ta asina cu nos Gobierno tin un maneho di integridad y un compania estatal ta haci lo contrario. Manera mi a menciona anteriormente, Gobierno no por tuma e decision of cambia e decision di Arubus pero si nos por pidi pa reconsidera e nombramento, y esey ta loke nos a haci," prome minister a remarca.

Vandalismo contra naturalesa di Aruba na Arashi

Den un par di potret cu e minister encarga cu Naturalesa Ursell Arends a publica riba su red social Facebook por mira con personanan a skirbi cu loke ta parece stift, riba piedranan grandi cu ta den naturalesa, un acto cu sigur no ta aceptable.

Riba su Facebook page, e mandatario a skirbi un post, "E siguiente imagennan a wordo comparti cu nos. Algo cu absolutamente no ta aceptabel! Nos tin cu encurasha turistanan pa respeta nos naturalesa. Tour guides, sea riba tera of lama, taxistanan, tur hende cu ta traha directamente cu turista, y si bo ta wak algo asina wordo haci tambe. Nos tur por duna un man pa preserva nos naturalesa. Stop stacking rocks and stop writing on them!"

Bon Dia Aruba tambe a tuma contacto cu minister Arends caminda el a sigura cu e tipo di actonan no ta tolerable pa loke ta trata naturalesa na Aruba. E potretnan a ser saca na Arashi pero no ta conoci si tin mas piedranan cu tambe a ser pinta igualmente cu stift manera esakinan.



"E idea ta pa trece mas conscientisacion den comunidad, cu companianan di tours y cu e mesun turistanan pa no sostene ni comete actonan asina, vandalismo contra naturalesa esaki ta," e mandatario a afirma.

E yamada ta na cualkier

ciudadano of turista pa tene den consideracion cu por ser considera como "custumber" na cierto paisnan pero na final di dia por tin un impacto ambiental negativo y ta haci referencia na un necesidad di expresa nan mes cu un contenido bashi, ademas di afecta e paisahe.

Riba rednan social e



comentario di usuarionan no a tarda pa yega, caminda a solicita na tur hende cu ta traha cu turistanan y na hotelnan pa cuminsa duna informacion: "Nos mester un solo nivel pa informa di nos luganan y nan historia, nos parhanan etc., pa nos por cuida y proteha loke nos tin ainda, por ehemplo na otro paisnan, Colombia, tur

guia ta riba nivel pa duna informacion." Mesun manera, a comenta cu mester bin un control severo manera security, pa pone boet y asina sa cu pa esaki tin consecucionan: "Alto Vista mes hende no por ni hiba un bela y sinta reflexiona, tanto borch pafo y toch e hendenan no ta worry mes, ta ora pa actua."

Pashentnan y comunidad cu hopi critica tocante decision di AZV pa termina contract cu Dr. Boderie

Riba rednan social y tambe algun medio di comunicacion den e ultimo dianan a bin dilanti e caso di e terminacion di contract di parti di OE AZV pa cu e Dokter Eugene Boderie, caminda tambe Huisartsen Vereniging Aruba (HAVA) a publica un carta cu e dokter mes a manda, lagando preguntanan den comunidad riba pakico AZV no kier renoba su contract.


Recientemente AZV a manda un comunicado na prensa indicando cu AZV ta fortificando e prome liña di cuido pa medio di ampliacion cu mas dokter di cas y praktikj-ondersteuners.

Den e comunicado ta señala cu aña 2024 ta bayendo positivo y esaki ta duna Organo Ejecutivo AZV (OE AZV) e espacio financiero pa ehecuta varios proyecto. Un di e proyectonan importante aki ta esun di dokter di cas. OE AZV ta percura pa fortifica e prome liña di cuido cu mas dokter di cas y praktikj-ondersteuners. No ta un secreto cu mundialmente por mira un escasez di expertonan medico, incluyendo dokter di cas. Sinembargo, contrario na varios otro isla ruman manera Boneiro, Corsou, Saba y Sint Maarten, Aruba ta e unico isla den region cu ta dispone di su propio sistema di educacion (specialisacion) pa dokter di cas continuo cu resultado positivo. Ta danki, entre otro, na e sistema di educacion aki cu Aruba na final di 2024 lo conta cu alrededor di 50 dokter di cas.

Nan tambe a anuncia cu awor e aseguradonan tin mas opcion compara cu algun añanan pasa pa motibo cu a habri mas oficina di dokter di cas nobo manera na distrito di Noord. Sinembargo, tambe nan a anuncia e terminacion di contract cu algun dokter, entre nan, esun di dokter Eugene Boderie, ken a cuminsa eherce su profesion como dokter di cas dia 28 di januari 1983 y tin 41 aña den servicio pa comunidad.

E anuncio aki no a cay den bon tera pa algun dokter, incluyendo e mesun Dr. Boderie, ken a manda un carta indicando su desacuerdo cu e decision aki:

“Despues di mas di 41 aña mi ta wordo forsa pa termina mi trabou di Dr. di Cas. AZV



Potret di Dr. Boderie ta pertenece na HAVA su Facebook page den cual a celebra su 40 aña di servicio como dokter di cas na 2023.

no kier extende mi contracto cu nan mas. Esey lo nifica cu 31 di augustus lo ta mi ultimo dia como dr. di cas. Na prome instante nan a bisa cu nan a pensa (sin puntra) cu lo mi kier disfruta di mi pensioen, aunke dos aña pasa m'a bisa cu mi kier sigui 5 aña mas, nan a bisa pa un aña so. Aña pasa nan a bolbe puntra, m'a bisa nan cu mi kier sigui 4 aña mas, atrobe nan a bisa un aña so. E aña aki nan no a ni tuma contacto of puntra kico mi intencion lo ta. Nan ta bisa cu no tin luga mas pa mi sigui traha. Den e mesun

combersacion nan ta pidi si, si mi ta interesa pa traha den HOED na ImSan, kiermen e edad no lo ta motibo. Y cu nan tin problema pa bezetting di e HOED cu suficiente dokter te casi final di 2025.”

“Den e siguiente reunion nan a keda para riba e punto cu mi no lo por sigui traha, y atrobe a puntra si mi lo ta interesa pa traha den HOED ImSan. Mi a bisa cu si ami no lo por sigui cu mi praktikj, mi tin un dokter cu ta traha basta aña na Aruba caba, y a traha varios biaha den mi praktikj

ora di vakantie pa sigui cu mi praktikj. Esey nan no kier! E ora por lo menos e assistent di 20 aña largo lo keda, cu tambe tin hopi conocimiento di e caracteristicanan di pashentnan pa facilita e cambio di dokter. Pa ami sigui traha den mi praktikj nan ta bisa mester baha cu pensioen, pero pa traha na HOED si por haya contract! Nan a bisa nan ta trahando riba e HOED pa dos aña caba! Tanten cu nan no tabata cla, si mi por a sigui, pero awor nan mester mi pashentnan pa yena e HOED! P'esey ami no por sigui y un otro dokter no mag di tuma over tampoco. Director di AZV ta nenga di reuni of sin ta na mesa cu mi. AZV no tin e bienestar di su pashentnan como prioridad.”

Di mesun manera, el a sigura cu “Dokternan di cas cu a haci e huisartsenopleiding di Aruba na Aruba, no mag tuma over y ta ser obliga pa traha den HOED, y si no tin suficiente dokter, ta busca dokternan di afo of duna dokter cu tin mas aña cu pensioen contract pa traha den HOED. Medisch esey lo por, pero dokter di cas ta mas cu esey so. Como dokter di cas bo ta cuminsa traha y sigui pa hopi aña pa siña conoce bo pashentnan, circunstancianan, familiarnan, aspectonan social etc.; tur ta importante pa duna bon cuido.”

Pa finalisa, Dr. Boderie a sigura cu gobierno, specialmente minister di Salubridad, Dangui Oduber mester ta na altura di esaki y “ta permiti cu esey ta futuro

medico di dokter di cas na Aruba. AZV, antes e orguyo di Aruba, ehemplar pa otro paisnan, mester a yega asina leu. Mas tanto ta wak cu organisacionnan cu tin monopoliepositie tin tendencia di cambia cu caracteristica dictatorial, aunke na comienso HAVA a ser garantisa door di e gerencia e tempo ey cu esey no lo pasa, y semper lo keda cu respet pa e zorgverleners cu na final ta keda e ‘backbone’ di nos sistema medico cu tin na Aruba.”

Manera tabata di spera, esaki a trece como consecuencia reaccion di diferente persona, por ehemplo, di dokternan mes manera Israel Posner, ken riba su red social a publica cu e ta apoya Dr. Boderie: “Pakico no renoba contract di un profesional keri? Ta un cos no comprendibel cu AZV a scoje pa no renoba e contract di dokter Boderie. Despues di mas cu 41 aña di servicio, dokter Boderie a demostra cu e ta un profesional excelente, bon funcionario y keri na Aruba. El a yuda un cantidad grandi di pashent cu dedicacion y experticio, y su contribucion na e comunidad ta di balor incalculabel. Pakico AZV no kier renoba e contract cu un dokter tan respecta? Nos ta duna dokter Boderie un danki di curason pa su hopi aña di dedicacion y esfuerso. Bo trabou a tin un impacto profundo riba e bida di hopi hende y bo lo haci falta hopi. Bo añanan di servicio ta merece tur aprecio,” e post a sigura.

Cierto ta cu su pashentnan ta lamenta e decision di AZV sigurando cu nan ta traha pa paga un AZV premie y cu nan tin derecho pa reclama y exige ora casonan asina aki ta tuma luga.

Bon Dia Aruba a tuma contacto cu AZV su vocero, pa asina ey haya sa si nan tabatin un reaccion pa loke ta e carta cu Dr. Boderie a duna di conoce, nan a indica cu nan lo no manda ni duna un reaccion riba esaki.

Tambe a tuma contacto cu presidente di HAVA, Dr. Joaquin van Tright, pero tampoco a logra haya un contesta di dje te ciere di edicion aki.

Dia 31 di augustus, manera a ser anuncia caba, ta ultimo dia di Dr. Boderie como dokter di cas na Aruba.



Resultado di investigacion di ARA ta indica cu WEB Aruba N.V. tabata unico instancia cu resultado financiero positivo

E investigacion di Algemene Rekenkamer Aruba (ARA) den instancianan cu ta poni na un distancia di gobierno a enfoca riba seis instancia (Arubus N.V.; Post Aruba N.V.; Refineria di Aruba (RdA) N.V.; WEB Aruba N.V.; Serlimar y Fundacion Lotto pa Deporte) y di e seis instancianan aki, cinco tabatin resultado financiero negativo y uno so tabatin resultado financiero positivo pa e periodo di investigacion, cual tabata WEB Aruba N.V.

E Compania di Awa y Energia a bira autonomo pa medio di e establecimiento di e N.V. Water- en Electriciteitsbedrijf Aruba (W.E.B.) N.V. dia 29 di augustus di 1991. Anteriormente WEB tabata un empresa di gobierno cu tabata cay bou di e minister di Asunto Economico y WEB tabata ser maneha riba base di un contract. Riba 14 di december 1992, e nomber a cambia pa Water- en Energiebedrijf Aruba (WEB) N.V. Na november di 1992 a acorda cu Pais Aruba, den e marco di privatisacion, cu efecto riba 1 di januari di 1992, ta dun'e e autoridad y orden exclusivo na WEB Aruba N.V. pa asumi y continua e operacion di produccion di electricidad y awa pa bebe, como tambe e distribucion exclusivo di awa pa bebe. E autorisacion na e Pais pa e transferencia di e operacion na WEB Aruba a ser duna dia 1 di december di 1992. E autorisacion duna ta inclui tambe e transferencia di e propiedad di e articulo mobil cu ta sirbi pa e operacion menciona na e compania madre Utilities Aruba N.V. WEB Aruba ta un compania di gobierno cu ta funciona como un utilidad publico y un monopolio natural. WEB Aruba ta ofrece un necesidad basico, cu ta e produccion y suministro di awa y electricidad. Pa suministro di coriente na cas y negoshi, WEB Aruba ta traha hunto cu su empresa ruman N.V. ELMAR. ELMAR ta cumpra electricidad for di WEB Aruba y ta bende esaki na cas y negoshi. E licencia exclusivo pa e produccion y suministro a ser duna basa riba e Ordenansa di Licencia di Electricidad. Un punto principal di e privatisacion di WEB Aruba


tabata cu e decision final ta keda den man di Pais Aruba, como unico accionista di Utilities Aruba, mientras cu e continuidad y calidad di e operacion di WEB Aruba ta ser garantis pa e directiva. E influencia di Pais Aruba riba e maneho di WEB Aruba mester ta di acuerdo cu e estructura legal y e codigo di gobernacion, via e autoridad di e AvA. E autoridad ta ser eherci pa e compania madre Utilities Aruba. Den practica, tambe tin un linea di contacto directo entre e minister di Energia y WEB Aruba. Den 2021, WEB Aruba, riba peticion di e accionista, a suspende su iniciativa pa e proyecto di LNG (Gas Natural Likido) pa implementa un iniciativa parecido inicia pa e Pais. Den esaki, Refineria di Aruba (RdA) a haci un proceso di Expression of Interest pa desaroya un proyecto di terminal di LNG na e localidad di e refineria caminda Eagle LNG Partners a selecciona. Den e Expression of Interest, e suministro di gas natural na WEB Aruba tambe tabata inclui. Riba peticion di e Gobierno di Aruba, via Utilities Aruba, WEB Aruba a cuminsa un dialogo cu Eagle LNG Partners pa discuti e posibilidad pa suministra WEB Aruba cu gas natural como un fuel di transicion. Na december di 2021, WEB Aruba a celebra un acuerdo di compra cu Eagle LNG Partners pa suministro di gas natural pa un periodo di 20 aña, cu e prome entrega planifica pa mita di 2024. Esaki a ser posponi pa un fecha mas laat, despues di ricibi e licencia necesario. Den e ehempel menciona, no tabata cla con e interes publico y e interes di e compania tabata pisa contra e deseo di e Pais y con e Pais tin influencia directo. Informacion specifico riba e condicion di e contract di compra no a ser publica pa motibo di confidencialidad y clausula di secrecia. E existencia y nocion di cualkier riesgo cu por tin consecuencia pa e Pais y henter e interes publico, den relacion cu contract aki, no ta conoci. E periodo di investigacion di ARA den e institucionnan na distancia ta core di e periodo 2018 pa 2020. Mirando cu data actual di WEB Aruba tabata disponible durante e investigacion, e data di e añanan financiero 2021 y 2022 tambe a ser inclui den e analisis fi-

naniero detaya. Den figura 4.1 por wak e resultado financiero di WEB Aruba pa e ultimo seis aña. WEB Aruba a ser scogi, entre e seis instancianan investiga den profundidad, como e unico cu resultado positivo den e periodo di investigacion di 2018 pa 2020. Den 2022 tin un excepcion aki, mirando cu tabatin un resultado negativo den e aña aki. Den 2018 por wak un caida den e resultado final di WEB Aruba di Afl. 21.7 miyon. E caida den e resultado ta, segun e clarificacion den e cuenta anual 2018 di WEB Aruba, debi na un reduccion den benta di Afl. 11.8 miyon y un aumento di Afl. 22.4 miyon den e gastonan compara cu 2017. E gastonan mas halto ta mayormente debi na e desaroyo den e prijs di petroleo. Aunke for di 2006 WEB Aruba a reduci gradualmente su uso di combustible di un promedio di 6,166 pa 3,694 bari pa dia den 2018, e presion halto den 2018 a causa cu e gastonan tabata mas halto. E gastonan di combustible den 2018 tabata Afl. 4.7 miyon mas halto cu den 2017,

aunke e uso di bari pa dia tabata mas abou. Otro factor cu tabatin un efecto halto riba e gastonan tabata e devaluacion halto (Afl. 12.3 miyon) den relacion cu e devaluacion anticipa riba e ekiponan di generador di vapor y turbina y e gastonan di personal halto (Afl. 2.8 miyon). Den aña 2020 tin un caida di Afl. 74 miyon den e benta como un consecuencia di e efecto economico di e brote di e pandemia di COVID-19. E caida aki ta grandemente neutralisa pa e caida den e total di gasto operacional di Afl. 66.4 miyon cu ta limita e caida den e resultado. Den 2021 e bentanan ta subi back cu Afl. 17.7 miyon mientras cu e total di gasto operacional ta subi menos proporciona, esaki ta cu Afl. 9.8 miyon. Pa motibo di esaki, e resultado ta mehora compara cu 2020 cu Afl. 7.3 miyon. Den 2022, WEB Aruba ta muestra un perdida di Afl. 27 miyon. Aunke tin un aumento di Afl. 52 miyon den e bentanan, tin un crecimiento desproporcional den e total di gasto operacional cu ta ser mira. Esaki como un conse-

cuencia di e presion halto di petroleo den 2022 cu a nifica un aumento di Afl. 116.2 miyon den e gastonan di combustible pa WEB Aruba. WEB Aruba no tabatin contract di hedge pa 2022 pa proteha contra e aumento mundial di e prijs di petroleo como un consecuencia di e conflicto entre Rusia y Ucrania cu a surgi na cuminsamento di 2022. WEB Aruba tabatin e posibilidad aki, sinembargo e aprobacion necesario di Utilities Aruba no ser duna na tempo. Utilities Aruba ta reconoce cu pa hedging decision mester ser tuma rapido y cu pa motibo di esaki e proceso di aprobacion a ser adapta. Aworaki e RvC di WEB Aruba so mester duna aprobacion pa scoge e strategia di hedge. E proceso aki ta ser conscientemente adapta pasobra e momento di hedging ta importante pa optimisa e strategia. Por lo contrario, hopi tempo lo ser perdi den e proceso di aprobacion pa e dos entidadnan, causa cu por pone den riesgo cu e beneficio di e strategia di hedge no ta ser logra.

Figuur 4.1: Resultaat boekjaar (bedragen in Afl.)



	2017	2018	2019	2020	2021	2022
Totale omzet	424.032.286	412.255.066	439.295.828	365.713.376	383.392.245	435.414.758
Operationele kosten	379.432.137	401.868.954	402.183.053	335.806.686	345.625.456	461.623.660
Operationeel resultaat	44.600.149	10.386.112	37.112.775	29.906.690	37.766.789	-26.208.902
Financiële lasten	14.377.556	9.296.123	12.679.137	10.770.893	7.245.506	11.395.501
Resultaat voor belastingen	30.222.593	1.089.989	24.433.638	19.135.797	30.521.283	-37.604.403
Inkomstenbelasting	7.267.155	-131	5.266.177	2.137.162	6.230.860	-10.646.067
Resultaat	22.955.438	1.221.417	19.167.461	16.998.635	24.290.423	-26.958.336

Bron: Jaarrekeningen WEB Aruba 2017 tot en met 2022

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Innovation "New Deal" pa Aruba *Parti #1: Energia*



Si nos wak den historia economico e periode di President Roosevelt ta un notabel. Mundo tawata den e crisis economico mas grandi di historia moderno. Usando tur poder politico cu e tawata tin disponibel, cu un vision di plazo largo y cu enberdad pueblo na pecho, President Roosevelt a bin cu su plan economico yama e "New Deal".

Nos ta haya nos mes den un situashon similar, unda nos isla por hasi invershonnan duradero cu lo por cambia sociedad den un manera positivo enorme. Usando technologianan cu ya caba ta completamente disponibel y summamente atractivo financieramente. Un bez mas mi ta haya mi forsa di usa nos kanaalnan di communicashon pa asina brinda un cambio cu Aruba mester.

Fase 1: Hasi tur Cas "Energy Zuinig"

E siguiente ta un breakdown detaya di e kosten pa hasi un cas averahe hopi zuinig den uso di coriente. E invershonnan proponi lo volgens mi calculashonnan tin u payback di menos cu 18 luna! E calculashonnan ta basa riba quotes mas barata cu mi persona a haya di diferente contractista. Dus e

kosten por ta mas halto. Mester wordo bisa cu si esaki wordo hasi riba nivel nacional cu e kosten por ta mas abou, dor di ventahenan di bulk volume.

Nos lo asumi cu un cas di un famia averahe lo mester "insula" 80 m2.

Airco nobo zuinig incluso labor: 3.000,- florin
Verf anti-solar riba dak (20 florin pa m2): 1.600,- florin
Insula blaffond cu sheetrock (40 florin pa m2): 3.600,- florin
Ceiling fan cu installashon (2x 400 florin): 800,- florin
Unforseen kosten (10%): 900,- florin

Total: 9.900,- florin pa cada cas averahe.

Sin bai den detayenan demassado complica, e combinacion aki lo por spaar mas-o-menos 60% di uso di coriente per m2. Dus un famia averahe lo por spaar +/- 50% riba su cuenta mensual di coriente.

Usando articulonan academico y prijs di Elmar di awo, e invershonnan aki lo paga nan mes back den 15-pa-18 luna.

Fase 2: Usa e Besparing pa tur Cas Haya 10Kwp Solar Panels

Den e segunda fase, despues

di 2 of 3 anja, ora cu e invershon primario a paga su mes back completo, e cantidad mensual lo por wordo inverti den duna cada cas averahe un installashon di panel solar di 10Kwp. Usando data di awe un installashon di 10Kwp ta produci mas-o-menos 1.500 Kwh pa luna.

Kier nota un bez mas cu den 2 anja prijs di panel solar lo ta probablemente mas barata ainda. Ya caba e payback period di un installashon di panel solar di 10Kwp ta 2.8 anja! Dus un Return-on-Investment di 35% pa anja.

Si bin cu un programma nacional nos ta papia atrobe di ventahenan di bulk, cu lo hasi esaki mas atractivo ainda.

Ventahenan Profundo pa Sociedad:

Si nos por reduci uso di coriente cu 50% of mas riba nivel nacional y despues hasi Aruba completamente independiente locual ta coriente e ventahenan lo ta profundo mes. Cada famia lo spaar placa den manera directo, e lo baha inflacion den manera permanente, tambe si energia bira asina abundante mane mi ta premira, e por wordo usa pa agricultura local advansa y autonan elec-

trico, na delaster lugha elo baha nos deficit di cuenta coriente riba plazo largo den manera duradero.

Atrobe nos Gobernantenan ta na Sonjo.

Tin mas cu 130 miyon florin di subsidianan di Union Europeo disponibel, supuesta-mente nos banconan local tin overliquiditeit y si nos kere nos gobernantenan, binestar di pueblo ta nan doel primario.

Aunke e invershonnan mencionan ta beneficio den manera grandi y lo por paga nan mes back dentro di hopi tiki tempo. Nos mester realisa cu pa un pueblo cu ya caba ta sofocando financieramente, realistico-mento no tin espacio pa inverti 10.000,- florin pa hasi un cas ultra-zuinig.

Atrobe nos ta wak ningun typo di moveshon concreto di nos Gobierno actual.

Unda e renteloze leningen y financiamiento a keda pa pueblo di Aruba?

E placa letterlijk tey. E benefici- cionan ta enorme, e Return-on-Investment ta summa- mente halto, pero un bes mas tur hende na Cocolishi ta na sonjo.



CMO a ricibi bishita di e grupo di Adulto Mayor di CMB Gold Club y grupo Scout Kimball O Hara

Nan a ricibi informacion di e trabou di CMO y tambe con Aruba ta prepara pa den caso cu un crisis presenta. Tambe nan a ricibi informacion di e proyecto di Early Warning System cu ta den proceso di ehecicion.

A cera conoci cu e importancia y beneficiacion cu e Early Warning System tin pa e comunidad di Aruba. Primordial ta "Salba Vida".



Minister Endy Croes:

Proyecto di renobacion di e vloer na Centro Deportivo Libertador Betico Croes (sporthal) na Santa Cruz a inicia

Diamars mainta, Minister di Enseñansa y Deporte Endy Croes a acudi na Centro Deportivo Libertador Betico Croes na Santa Cruz. A inicia cu un proyecto di renobacion na Centro Deportivo Libertador Betico Croes na Santa Cruz.



Manera ta conoci, e vloer di e sporthal tabata den un condicion deplorabel. Durante pandemia Centro Deportivo Libertador Betico Croes a wordo uza como centro di vacunacion y a acorda cu Gobierno di Aruba lo percura pa renobacion di

e vloer. Pues pa hopi tempo no por a uza e sporthal pa eventonan deportivo. E container cu tur material a yega Aruba, pues e trabounan a inicia. A kibra e vloer di e sporthal completamente pa

pone un cancha special y moderno. Minister Endy Croes ta gradici Gobierno di Aruba, Ministerio di Deporte, directiva di Aruba Sport Unie (ASU), Dienst Openbare



Werken (DOW), Arubaanse Wegenbouw Maatschappij (AWM) y tur stakeholder cu ta haciendo e proyecto aki posibel.

Finalmente, e mandatario

di Deporte a indica cu mas despues e lo bishita e sporthal pa mira e avancen y lo mantene pueblo informa acerca di e ultimo desaroyonan di renobacion,

Minister Maduro di Finansa ta informa:

Tur esfuerso ta dirigi pa por entrega presupuesto 2025 na tempo na parlamento di Aruba

CAFT a duna conseho caba y awo Raad van Advies ta na turno pa brinda su conseho

Presupuesto di Pais Aruba ta e ley di mas importante cu Parlamento di Aruba ta trata cada aña. E preparacion pa hinca Presupuesto di Pais Aruba den otro, ta cuminsa ya caba den luna

di april di e aña anterior.

Na e momentonan aki tur esfuerso ta dirigi pa por entrega e Presupuesto di Pais Aruba pa aña 2025 na tempo, prome cu dia 1 di september 2024 na

Parlamento di Aruba.

Minister Maduro di Finansa ta informa cu Presupuesto 2025 ta casi cla y awo ta den e proceso di haya su consehonan di CAFT y di Raad van Advies. CAFT a duna conseho caba y awo Raad van Advies ta na turno pa brinda su conseho.

CAFT
Conforme e Ley di LAFT, ya caba e colegio di supervision financiero CAFT a duna su conseho na Minister di Finansa riba e presupuesto preliminar pa aña 2025. CAFT den su conseho ta hopi positivo y ta indica, entre otro, di ta satisfecho di mira cu tur documentacion ta entrega na tempo, cu e presupuesto ta bon hinca den otro, cu e re-



sultado financiero ta un surplus di mas di 1% y cu e debe di Aruba ta bahando.

Raad van Advies
Na e momento aki, Presupuesto 2025 ta na Raad van Advies pa su conseho. Asina cu Raad keda cla cu nan conseho, Gobierno lo haci e cambianan necesario y lo brinda e concepto di Presu-

puesto 2025 na Parlamento. Proceso cu falta pa yega na Presupuesto 2025
Tur esfuerso ta wordo haci pa por entrega e concepto di Presupuesto 2025 na tempo, prome di 1 di september, na Parlamento di Aruba, manera a bin ta pasa cu Presupuestonan di añanan 2023 y 2024.

Si tur cos cana bon, e debate publico den Parlamento lo por tuma lugar den e ultimo lunanan di aña 2024 y e Presupuesto 2025 lo por keda aproba fin di december 2024. Despues cu Gobernador firma e Presupuesto 2025, esaki lo wordo publica den Landscourant pa asina por drenta na vigor na comienso di aña 2025.



Ministro encarga cu Turismo & Salubridad ta anuncia cu entrante **22 juli 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning A** pa e parcela **Wayaca 199, Lok 20**. E permisionan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisionan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

AWE

MINI MEGA

MEGA PLUS

Awo cu 2 florin mas, bo por gana e

*** Afl. 500.000,-**

*** Afl. 370.000,- + Afl. 130.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

f

X

Instagram icon

YouTube icon

LOTO

Departamento di Emergencia a brinda cuido na 3,007 pashent Horacio Oduber Hospital cu cifra di luna di juni 2024


Den cuadro di transparencia y informacion nos di Horacio Oduber Hospital ta comparti cu boso e cifranan pa loka ta luna di juni 2024. Como Hospital ta importante y alabes interesante pa duna comunidad di Aruba un indicacion di cuanto pashent Hospital ta atende mensualmente, cuanto operacion ta tuma luga, pero tambe cuanto baby a nace durante luna di juni, cuanto pashent a regresa cas despues di admision y mas.

Na luna di juni a admiti 867 pashent cual ta mas halto cu na luna di mei (836 pashent) y tambe mas halto cu na luna di april (828 pashent). Di e pashentnan admiti na HOH, e cantidad femenino tabata 473 pashent y solamente 26.4% di e admisionnan tabata planea. E promedio di duracion admiti na HOH na luna di juni tabata 4.3 dia. Na juni ocupacion di cama a bolbe subi pa 94.9% compara cu na luna di mei (83.2%). A haci un total di 558 operacion cu ta poco menos cu na luna di mei (622).

Departamento di Emergencia a atende na luna di juni 3,007 pashent cu ta mas pashent cu na luna di mei (2,792 pashent) y tambe mas cu na luna di april (2,704 pashent). Durante luna di juni a yama bon bini na un total di 44 baby mucha homber y 34 baby mucha muhe (total 78 baby). Y na mei Bloedbank Aruba a ricibi un total di 160 donacion di sanger.

Un total di 7,127 consulta a ser teni na luna di juni cu pashent pa specialistanan den servicio di Hospital. Departamento di radiologia a haci un total di 4,919 test y tambe 12,519 persona a bishita LABHOH na luna di juni. Y por ultimo un total di 838 pashent a regresa nan cas despues di admision na HOH durante luna di juni.

Informacion ta esencial y pues hospital semper t'ey 24/7 via nos website www.arubahospital.com of diferente pagina di medionan social y claro e team di profesional semper t'ey pa brinda cuido di calidad 24 ora pa dia 7 dia pa siman.



Hulanda:

Estudio a descubri cu e averahe di cliente den clinica cosmetico ta hende muhe bon educa

(NLTimes)—E tipo di cliente cu ta bishita clinicanan cosmetico na Hulanda ta hende muhe relativamente bon educa, y e edad averahe di e clientenan aki ta 44.6 aña, segun un investigacion conduci pa tres universidad Hulandes. Botox y filler ta e tratamentonan mas popular entre e clientenan aki. Hende muhe cu ta haya Botox ta ripiti nan tratamento 10 biaha en averahe, y esnan cu ta haya filler ta bay back cinco biaha mas, segun e corant Hulandes AD ta reporta.

E investigadornan di e universidadnan di Tilburg, Wageningen y Rotterdam a entrevista mas cu 700 cliente di 36 diferente clinica Hulandes. “Cualkier hende cu ta mira reality TV y influencers riba red social ta haya e imagen stereotipico di mayormente hende muhe cu un educacion mas abao y cu un salario mas abao bishitando clinicanan cosmetico pa filler

y Botox,” investigador Anne-Mette Hermans, un profesor asistent di e estudio Social Sciences na Tilburg University, a conta e corant. E imagen ey ta incorrecto, manera e estudio a mostra. Ademas di ta educa y cu un trabao cu ta paga bon, e averahe di cliente tambe ta Hulandes cu mayornan Hulandes. “Na mesun momento, e no ta posible pa identifica un tipo specifico di consumidor,” Hermans a agrega. “E edad ta varia entre 18 pa 77 aña. Sinembargo, 97 por ciento di e clientenan ta hende muhe. E tipo di persona Hulandes cu a haci un procedura cosmetico ta hopi diverso.”

Botox y filler ta e tratamentonan mas popular. Coreccion di wowo y ampliacion di pecho ta e proceduranan cirurgico mas comun. E investigadornan tambe a evalua si tin un conexion causal entre red social y intervencionnan cosmetico. “E unico relacion cu nos a mira ta cu hende muhe cu tin inyeccion

di filler ta pasa hopi tempo riba Instagram y TikTok,” Hermans a bisa.

Investigador compañero Tom Decates ta un profesor asistent

na Erasmus MC na Rotterdam y un dokter di cosmetica den un clinica di pashent externo pa complicacionnan di filler. Su conseho pa tratamentonan

cosmetico ta pa scoge un bon dokter. “Medicina cosmetico ta un profesion maraviyoso, pero ora cos bay robes, tur hende por ripara,” el a conta AD.



Nos ta buskando un Maintenance Electrical Technician

- Senior Technical School (MTS-Level 4) Electrical or equivalent with >5-year work experience in household, commercial and industrial works
- Successful completion of accredited trade school or 5 years practical experience as an industrial electrician
- Possession of journeyman certification as an electrician is a plus.
- English required.
- Papiamentu required.

For more information or to apply please send an email :

daniela.duran@cargill.com

You can apply till the 2nd of August 2024

China ta investigando compania Hulandes Vion pa miedo cu nan ta “dumping” porco den nan mercado

(NLTimes.nl) - China ta investigando con e compania di procesamiento di carni Vion na Bostel ta importa su producto di porco pa e mercado Chines. Dos otro compania den Union Europeo tambe ta den centro di e investigacion. Beijing ta sospecha e compania di “dumping”, cual ta nifica cu ta vende producto na un prijs artificialmente abou den e mercado Chines.

E ministerio di Comercio Chines a duna di conoce esaki diahuebs. Vion ta e productor mas grandi di carni na Hulanda y ta entre e tres compania mas grandi di procesamiento di porco den Union Europeo cu ta exporta pa China. E otro compania cu Beijing ta investigando ta Danish Crown di Dinamarca y Litera Meat di Spaña.

A pidi e compania pa yena un cuestionario, e ministerio a informa. China a envolve 24 productor di porco local den e investigacion. E gobierno kier sa di e companianan aki ki posible daño “dumping” ta haci nan.

Vion a nenga e acusacion y a referi na un reaccion di e Centrale Organisatie voor de Vleessector (COV), cu ta representa e interes di e empleadonan den industria di carni Hulandes. E presidente di COV, Laurens Hoedemaker, a expresa cu confiansa cu e investigacion Chines lo muestra cu no tin “dumping”.

“Nos ta spera cu nos por continua e cooperacion mutuamente beneficioso cu China pa nos por suministra consumidornan Chines cu producto di porco di calidad

halto, sigur y sostenible di Europa,” el a bisa.

E ministerio di Comercio Chines a anuncia cu nan a cuminsa un investigacion siman pasa. E anuncio aki a bin poco tempo despues cu e Comision Europeo a informa cu nan ta bay implementa tarifanan di importacion mas halto pa auto electrico di China.

Pero, Beijing ta afirma cu e investigacion ta bin despues di un peticion formal di e China Animal Husbandry Group (CAHG), un compania estatal cu ta representa e industria di porco Chines. Segun CAHG, e cantidad di porco di Union Europeo den mercado Chines ta suficiente pa considera como “dumping.”

Rabobank a declara ante-



riormente cu e cantidad di porco exporta for di paisnan di Union Europeo pa China a cay aña pasa. E banco ta ripara tambe cu e caida ta continua. Por ehempel, na 2020, 55 porciento di e total di exportacion di porco di Union Europeo a bay pa China, compara cu 30 porciento di aña pasa.

Restriccion comercial Chines, manera tarifanan di

importacion mas halto, tabatin un efecto negativo riba e mercado di porco Europeo, segun Rabobank. China ta un di e mercadonan mas grandi pa Union Europeo cu ta trata cu porco. E total di importacion a bal mas cu 1.7 biyon euro aña pasa. Spaña, Dinamarca y Hulanda ta ser considera responsable pa mayoria di esaki.

Mucha di 13 aña ta fayece despues di ser rescata na lama di Scheveningen

(NLTimes) - Un mucha cu a ser rescata for di lama na costa di Scheveningen riba dialuna atardi a fayece, polis a confirma riba diaranson. E victima tabata un mucha homber di 13 aña di Den Haag.

E mucha homber a enkontra problema mientras e tabata den lama. E serviciannan di emergencia a ser alerta cu el a desaparece alrededor di 5or di atardi y a responde cu un buskeda en masse cu botonan y helicopter di Warda Costa, Omroep West a reporta.

Empleadonan di rescate a haya e mucha homber durante e buskeda organisa y a



trece back na e lama. Aki e paramediconan a pasa hopi tempo ta purba resucita e mucha prome cu a hib’e un hospital cercano, unda el a fayece.

Segun e noticiero regional, e momento unda e paramediconan a brinda atencion na e mucha homber a hala atencion asina hopi cu tur hende a cuminsa acerca y wak, cual a causa cu e empleadonan di emergencia a sinti obliga di pone proteccion rond di nan pa asina nan por sigui cu e resucitacion cu tranquilidad y fuera di bista di otronan. Lamentablemente, ta aparenta cu no a logra resucita e mucha y el a fayece.

Politico a keda herida y su casa a fayece a causa di tiroteo na Sint Maarten



(NLtimes) - Olivier Arrindell, un politico y lider di Oualichi Movement for change (OMC) na Sint Maarten, a ricibi heridan menor den un tiroteo na Maho riba diaranson anochi. Su casa a ser asesina den e tiroteo segun De telegraaf a skirbi despues di rapport den media local.

E politico tabata den auto cu

su casa y su yiu muhe ora cu un persona a los tiro riba nan. Arrindell a core te yega Sonesta Maho Resort y a pidi ayudo na e lobby. Su casa a fayece den e parking lot di e resort. Te ainda no ta cla si e yiu muhe a resulta herida of no.

Polis na Sint Maarten aparentemente a confirma cu tabatin un tiroteo pero no a confirma si Arrindell tabata

involucra of si su casa a ser asesina.

Como un politico, Arrindell ta conoci na Sint Maarten como parti di e oposicion di e ex Prome Minister Silveria Jacobs. Aña pasa, den varios ocasion Arrindell a tuma oportunidad pa acusa e ex Prome Minister di corrupcion durante su tempo ta cherche e funcion di premier di Sint Maarten.

Stadhuis na Rotterdam vandalisa cu pintura cora; Graffiti contra asilo na Twenterand

(NLTimes.nl) - Dos stadhuis na Hulanda a ser vandalisa durante anochi. E stadhuis di Rotterdam a ser pinta cu un likido cora. Y na e stadhuis di Twenterand na Vriezenveen, un hende a spray-paint un mensahe contra e posible yegada di un centro di asilo.

E vandalismo na e stadhuis di Rotterdam na Coolsingel a pasa rond 3:30 di marduga, segun Rijnmond. E mensahe tras di esaki no ta cla. Polis a cera e entrada di e edificio cu baricada y ta investigando. E

ciudad a yama un compania di limpieza pa haci e edificio limpi.

E graffiti tabatin consecuencia pa cinco pareha cu tabata programa pa casa na e stadhuis aki.

Nan no por a drenta e stadhuis via e entrada principal pero mester a usa un entrada di na banda. Segun e broadcaster, potret di grupo riba e trapi na e entrada di e stadhuis tambe tabata imposible.

E mensahe tras di e graffiti na e stadhuis di Twenterand na Maintobaplein na Vriezen-



veen ta mas cla. "ASC Weg Ermee" a ser pinta riba un elevacion dilanti di e edificio. Esaki ta traduci mas o menos na: "Afo cu e centro di asilo."

E municipio a haci esaki limpi.

Pasantenan a bisa RTV Oost cu un hende a mira e vand-

alonan mientras cu nan tabata spray-paint y a yama e polis. Polis a detene un sospechoso, nan a bisa.

Apertura di un posible centro di asilo ta un tema hopi controversial den politica local na Twenterand na e momentonan aki. Un mayoria den e conseho municipal kier pa e municipio stop di ricibi personanan cu ta buscando asilo asina cu e gabinete nobo aboli e ley di distribucion di asilo, cu ta obliga e municipio pa ricibi nan cantidad husto di hende.

Gift of Sports y Gift of Education di Paseo Herencia

Paseo Herencia ta continua cu dos iniciativa cu ta diseña pa yuda y inspira hobennan talentoso di nos isla: e programanan Gift of Education y Gift of Sports. Como un organizacion cu ta enfoca riba comunidad, Paseo Herencia ta compromete pa stimula e potencial di nos hobennan y duna nan poder pa sobresali den nan deporte y estudio.

Gift of Sports

Gift of Sports ta un programa diseña pa sostene atletanan hoben, di 12 aña di edad bay ariba, pa sobresali den nan deporte. Paseo Herencia ta reconoce e dedicacion y pasion cu atletanan ta pone den nan training y competencia. A traves di e programa aki, Paseo ta otorga un sponsorship pa competencianan internacional, ofreciendo asistencia financiero pa cubri gastonan relaciona cu participacion den competencianan prestigioso. Esaki tin e meta di habri portanan di oportunidad, permitiendo atletanan pa competi na un nivel global y gana experiencianan valioso cu lo forma nan carera den deporte.

Gift of Education

Paseo Herencia ta reconoce cu educacion ta hunga un rol crucial cual ta forma e futuro di nos hobennan y nos sociedad. Hopi estudiante talentoso tin e ambicion y po-

tencial pa sobresali academicamente, pero nan por topa barera financiero cu ta stroba nan progreso. Por medio di e programa, Gift of Education, Paseo ta duna asistencia financiero na estudiante talentoso, yudando cu gastonan di scol. Pa kita peso financiero for di nan lomba, e programa ta duna poder na e hobennan pa enfoca riba nan estudio y demostra nan potencial. E vision ta pa crea e caminda pa e studiantenan aki por briya academicamente y logra nan aspiracionnan educativo. Paseo Herencia a cuminsa cu e programa aki 9 aña pasa, dunando ayudo na 10 estudiante tur aña.

Proceso di Aplicacion

Pa esnan cu ta desea di aplica, sea ta e estudiante of e voogd, mester entrega un carta di motivacion cu ta papia tocante nan ambicion academico, aspiracionnan y mester splica dicon nan ta merece pa wordo scogi pa e programa aki. Por ultimo, mester inclui un copia di e hoben su ultimo rapport di scol pa demostra nan dedicacion na nan estudio, y yena un formulario di aplicacion cu ta disponibel riba Paseo Herencia su website www.paseoherencia.com of por busca un copia fisico cual ta disponibel na oficina di Paseo Herencia.

Aplicacionnan pa ambos programa ta habri te cu 31 di juli 2024.

Aplica awe mes! Paseo Herencia ta kere den inverti den e soño di nos hobennan pa un futuro mas briyante. Dor

di sostene atletanan hoben a traves di e Gift of Sports, y studiantenan talentoso a traves di e Gift of Education,

Paseo Herencia ta aspira pa forma un miho mañan pa nos comunidad local.

Paseo Herencia

Gift of Education Scholarships

Gift of Sports Sponsorships

Dos Programa - Dos Iniciativa

Paseo Herencia ta ofrece Scholarships na hobennan pa nan estudio y Sponsorships pa atletanan cu ta destaca den nan deporte.

Aplica prome cu dia 31 di juli

Bishita nos website pa mas informacion
www.paseoherencia.com



Mexico:

Golpi miyonario na narcotraficacion; Marina ta confisca mas di 200 kilo di cocaina den un barco na Manzanillo

(Infobae) - Den menos di 3 luna, Secretario di Marina a orkestra 3 golpi di miyon dollar na trafica-cion di droga pa medio di confisca metanfetamia y precursor kimico na e waf di Manzanillo, Colima.

Elementonan di e Sercetaria de Marina Armada di Mexico a detecta un carga di mas di 200 kilogram di metanfetamina scondi den e area di mashin di un di e barconan mas grandi di mundo, cual a para na e waf di Manzanillo, Colima.

Segun e informacion publica pa AF Medios, e droga a ser confisca pa Armada de Mexico, den su funcionnan di Warda Costa, kendenan den coordinacion cu personal di X Region NAval y Fiscalia General de la Republica (FGR), a logra segura 128 paki di sub-



stancia cu e caracteristicanan di metanfetamina.

E supuesto droga tabatin un peso total di 214.1 kilogram, suficiente pa e fabricacion di mas di 5 miyon dosis di crystal y segun e calculonan di e autoridadnan, por yega un valor den mercado ilegal di te

hasta 3 miyon dollar.

E metanfetamina tabata scondi den e camber di mashin, net unda e sistema di e mashinnan principal ta. Segun e imagennan cu a circula di e confiscacion, e mas di 200 kilogram tabata den maletanan preto cu ta contene pakinan



lora den carton y plastic cu ta duna nan forma di rectangulo.

Mester nota cu e cargamento multi miyonario di metanfetamina a drenta e waf riba e barco CMA CGM Dignity, cual ta e barco mas largo cu a yega di drenta Colima desde su prome yegada den augus-

tus di 2023.

Pa lora ta trata e origen di e droga, ta conoci cu e barco a sali for di e waf di Busan, Sur Korea y a drenta Manzanillo dia 24 di maart pasa pa trata 1,500 container. Ya caba e ta conta cu un schedule pa drenta e waf di Colima.

Colombia:

Scandal na Ungrd: A revela audio di ex asesora di Olmedo Lopez y e ordonan cu el a ricibi di e funcionarionan di Petro

(Infobae) - Carolina Martinez, ex asistent di ex director di Unidad pa Unidad Nacional de Gestion del Riesgo de Desastres, a referi na pedidonan di e Minister di Interior di e tempo ey y e director di Dapre, cual a ser comunica via Jaime Ramirez Cobo.

Den e dianan recien ta conoce cada biaha mas detaye tocante e caso di corrupcion cu a ser registra na Unidad Nacional para la Gestión del Riesgo de Desastres (Ungrd), cual tin como protagonista Olmedo Lopez, ex director di e entidad y Sneyder Pinilla, ken ta ex subdirector di maneho di desaster, relacion cu e direccion di contractnan aparentemente bao instruccion di e checutivo.

Ayera atardi a conoce e contenido di un audio cu Carolina Martinez, ken tabatin funcion di asistente di Lopez durante su presencia na Ungrd, a manda pa Pinilla den cual ta menciona Luis Fernando Velasco, ken tabata e Minister di Interior, y Carlos Ramon gonzalez, ken a fungi



como director di Dapre y awe ta na DNI.

Segun e revelacion na Semana, Martinez a comparti cu e ex subdirector di Unidad un ordo unda cu via Jaime Ramirez Cobo, conexcion entre Gobierno y Congreso, el a ricibi na su telefon di parti di tanto Velasco como Gonzalez. Den e audio nan ta papia tocante e necesidad di cumpra miembronan di Congreso pa aproba e reformanan di gobierno.

Den e audio por scucha "Ney (Sneyder), yudami papia cu e director. E asesor di Congreso di e Minister di Interior y dokter Carlos Ramon di

Dapre ta mandami. E semper a manda cierto solicitud pa e director atende cune, mi ta compronde cu e ta e conexcion na Congreso pa nan dos," Carolina Martinez a afirma, haciendo mencion na e papel cu Ramirez Cobo ta hunga pa gobierno.

A causa di esaki Ministerio Publico (OM) a habri investigacion contra Ricardo Bonilla, Luis Fernando Velasco y otro funcionarionan pa corrupcion na Ungrd. E Minister di Finanzas a ser acusa di dirigi contract pa faborece miembronan di congreso y e Ex Minister di Interior a ser acusa di duna ordo dentro di e skema aki.

Acusacionnan nobo cu Olmedo Lopez a haci tocante e corrupcion na Unidad Nacional de Gestión del Riesgo de Desastres (Ungrd), cual el a dirigi, ta bao e bista di Ministerio Publico di e nacion.

Segun e revista Semana a publica, el a habri un investigacion preliminar contra algun di e alto funcionario y ex funcionario di gobierno cu a ser acusa.

Ministro di Finanzas, Ricardo Bonilla, su asesora Maria Alejandra Benavides y e ex Minister di Interior Luis Fernando Velasco conhuntamente cu ex director di Departamento Administra-

tivo de la Presidencia (Dapre) Carlos Ramon Gonzalez, ta riba e lista di e personanan cu fiscalnan ta investigando. E ex director di e entidad a involucra nan den e skema.

Aparentemente, Bonilla tabata responsabel pa direccion di varios contract na 6 congresista pa asina nan apoya e votacion di reformanan social di Gobierno nacional den Congreso di e Republica. Di su parti, e ex minister Luis Fernando Velasco a duna ordo relaciona cu e caso di corrupcion.

En todo caso, ambos funcionario a nenga e acusacionnan den nan contra.



Polisnan di Kenia ta enfrenta gangnan arma di Haiti pa prome biaha

(DiarioLibre) - Agentenan policial di Kenia y Haiti a sostene un enfrentamento diaranson cu varios miembro di gruponan arma den e centro di Puerto Principe, segun EFE a reporta, den loke ta bira e prome enfrentamento conoci di e forsanan di seguridad Africano desde nan yegada na e pais luna pasa.

E operacion aki a tuma lugar un dia despues di e yegada na Haiti di un di dos grupo di agentenan policial Keniano, cu a ser acompaña di por lo menos ocho vehiculo blinda, di cual un a dañá.

Prome cu esaki, parti di e agentenan policial di Kenia a desfila na Champ de Mars, e plaza publico principal di e capital di Haiti.

E agentenan di ambos pais a tuma posicion na varios skina di e centro di e ciudad, despues di cual e intercambio di tironan a tuma lugar. E autoridadnan



Haitiano, sinembargo, no a ofrece detaye ainda tocante e enfrentamento.

Diamars ultimo e di dos grupo di 200 agente di Polis di Kenia a yega Haiti pa uni na e contingente di e otro 200 cu ta na e pais Caribense desde 25 di juni pa lidera e Mision Multinacional di Apoyo pa

Seguridad (MMAS) autorisa pa e Consejo di Seguridad di e Organizacion di Nacionnan Uni (ONU).

E di dos grupo di agentenan Keniano a ser ricibi riba e pista di e aeropuerto pa un delegacion di polisnan Keniano, entre nan e hefe di e mision, e inspector Godfrey Otunga,

cu a pronuncia un discurso, y e director general di e Polis Nacional di Haiti, Normil Rameau.

E Consejo di Seguridad di ONU a autorisa den luna di october 2023 e envio di un mision di apoyo pa e Polis Nacional di Haiti, den respuesta na e solicitud realiza un aña

prome pa e autoridadnan di e pais pa elimina e violencia di gruponan arma.


E violencia ey a causa ocho mil victima na Haiti aña pasa entre morto- y heridonan, y e organisacionnan criminal aki a yega na controla un 80% di e capital, Puerto Principe, como tambe otro zonanan di e pais, segun cifranan di ONU.

Siman pasa, e Consejo di Seguridad di ONU a condena den terminonan duro e nivelnan extremo di violencia arma na Haiti cu ta debilitando e paz, estabilidad y seguridad na e pais y region.

Ta spera cu den e proximo simannan mas Keniano ta yega Haiti, na cual tambe lo uni polis- y soldaatnan di Bahamas, Bangladesh, Barbados, Benin, Chad y Jamaica, pa conforma un total di 2,500 elemento. Nan ta bay ser desplega den fase, cu un costo di alrededor di 600 mion di dollar pa aña, segun e Consejo di Seguridad di ONU.

Cuba:

Gobierno a cera 53 negoshi priva den solamente dos dia



(CiberCuba) - Den un operativo realiza entre e dianan 12 y 13 di juli, e gobierno Cubano a clausura 53 negoshi priva despues di a realiza 891 inspeccion na henter e pais.

E prome minister Manuel Marrero Cruz a informa cu durante e inspeccionnan aki nan a detecta mas di cuater mil violacion y nan a impone boetnan cu ta supera e suma di 13 mion di pesos na empresanan micro, chikito y mediano (Mipymes).

Entre e infraccionnan principal detecta tin e ocultacion di productonan despues di e implementacion di prijs maximo pa e gobierno y e

benta di bienes na prijsnan cu no ta regula.

Marrero Cruz a destaca cu nan a realiza 354 benta forsa di producto na e prijsnan estableci y nan a confisca productonan den 21 caso adicional.

El a subraya cu e obhetivo di e accionnan aki no ta pa cera e negoshinan, si no pa sigura e cumplimiento di e normanan cu e gobierno a impone.

Sinembargo el a enfatisa e necesidad di tuma medidanan firme pa controla e prijsnan y garantiza e accesibilidad di e bienes pa e poblacion.

Trinidad y Tobago: Ministerio di Salud ta anuncia 3 morto y 303 caso di dengue

(TrinidadExpress) - Trinidad y Tobago a registra tres morto confirma di laboratorio y 303 caso di dengue confirma. E ultimo morto ta di un mucha homber di 16 aña di Siparia.

Dengue ta propaga pa pica di e sangura Aedes aegypti cu ta infecta. Ministerio di Salud a publica un comunicado di prensa ayera cu ta presenta e cifra y a duna un actualisacion epidemiologico.

E prome dos morto registra ta di un hende homber di 65 aña cu tabata biba den e comunidad di Barrackpore y un hoben di Fyzabad.

Despues di e mortonan aki den e area sur di e pais, presidente di Penal/Debe Regional Corporation (PDRC) Gowtam Maharaj y residentenan di e comunidadnan a haci un yamado na e Insect Vector Control Division (IVCD) di e ministerio di Salud pa yuda den e lucha contra dengue pa haci fumigacion regular.

Minister di Salud Terrence Deyalsingh a responde na e yamada pa aumenta e fumigacion pa sanguranan durante un rueda di prensa e diabierna ultimo y bisa cu fumigacion regular no ta practico pa com-



bati dengue pasobra e sanguranan eventualmente lo bira immuun pa e insecticidan.

El a bisa tambe cu fumigacion ta ser haci solamente den e areanan caminda tin caso di dengue confirma.

Segun e ministerio, sintomanan di dengue ta aparece den cinco te seis dia despues di ser pica, ta dura pa un te dos siman y por inclui keintura, dolor di cabes (tin biaha severo), dolor patras di wowo, dolor di musculo y joint, rash riba curpa, sacamento y diarea.

E ministerio tambe a pidi pa hende cu ta muestra señal of sintoma di dengue busca atencion medico inmediato na nan dokter of e centro di salud mas cerca.

E ministerio tambe a duna algun consejo pa reduci e fuente di cria pa reduci e incidentenan di enfermedadnan di sangura, principalmente via eliminacion di e lugarnan caminda e sanguranan di e especie Aedes por cria.

Ta urgi e publico pa benta afo tur articulo no desea, vehiculo of aparato di cas cu por colecta awa y bira criadero di sangura. Tapa contenedornan di awa manera tanki, bari of baki cu un tapa cu por laga e sanguranan afo. Corta y kita tur mata of yerba grandi cu por ta un lugar di cuminda pa sangura. Haci drain y canalnan di awa limpi pa permiti e awa pasa libremente, y usa un red pa sangura y repelente di insecto, ora cu ta necesario, manera un medio di proteccion personal.

Solamente 15 atleta Ruso ta bay competi den Weganan Olimpico

(DW) – E lista definitivo di atletanan cu a ser publica ayera diahuebs pa Comitè Olimpico Internacional (COI) ta señala cu solamente 15 atleta Ruso y 16 di Belarus ta bay competi como neutral den Weganan Olimpico di Paris.

E lista ta inclui shete tenista, tres ciclista, un landando, un gimnasta y 3 atleta di kayak. Ta e di dos aña cu Rusia no por participa como pais unda ademas 335 atleta cu tambe a participa sin bandera na Tokio 2021, ora e guera contra Ucrania no a cuminsa ainda. Sinembargo, esaki tabata debi cu e pais a ser sanciona pa Agencia Mundial Antidoping pa via di e revelacion di un programa di dopping gu-

bernamental.

E tenistanan cu ta bay acudi na capital Frances ta: Daniil Medvedev; Pavel Kotov; Roman Safiullin; Yekaterina Alexandrova; Mirra Andreewa; Diana Shnider y Yelena Vesnina. Mientras cu equipo Ruso di ciclista ta integra pa Tamara Dronova, Alyona Ivanchenko y Gleb Syritsa, esun cu ta bay participa cu Kayak ta Zakhar Petrov, Alexey Korovashkov y Olesya Romasenko, ademas di e landado Yevgeny Somov y e gimnasta Anzhela Bladtseva.

Segun e prensa Ruso, ta un total di 21 atleta, e mayoria di nan ta luchado y di judo, cu a renuncia di competi den weganan maske nan a haya aprobacion di COI. E federacion di ambos disciplina a señala



cu COI a impedi e participacion na algun di nan miho deportista, pa loke nan a opta pa renuncia.

Pa decision di COI, tur deportista Ruso ta bay ta neutral—nan no ta bay tin simbolonan nacional ni lo por scucha nan himno—ademas, no lo tin representacion Ruso den deportenan cu equi-

ponan.

Algun pais, entre nan e mesun Ucrania, a menasa di boicotia e Weganan manera a sucede na Moscu 1980 y Los Angeles 1984 si equipo Ruso participa den su totalidad. Como alternativa, Rusia a haya e idea di organisa e Weganan Mundial di Amistad na luna di september, den cual

ta bay participa e atletanan exclui di Olimpiadanan, pero Moscu a adelanta caba cu e competencia aki ta bay ser posponi te cu 2025.

E lista di deportistanan Ruso exclui ta hopi largo. Ta cuminsa cu esnan cu a manifesta publicamente na favor di e campaña militar Ruso na Ucrania, sea riba medionan, rednan social of actonan publico. Ta agrega tambe integrantes di clubnan CSKA y Dinamo, vincula historicamente cu Forsa Arma y organonan di seguridad di Estado. Finalmente, tampoco lo por aspira na e gloria Olimpico e integrantes di deportenan di equipo manera volleyball, basketball, waterpolo, den cual e Rusonan semper a competi riba gran nivel.

Argentina ta lider den ranking di FIFA en medio di scandal pa cantica racista

(Independent) – Ayera diahuebs Argentina a keda como equipo number 1 di acuerdo cu ranking di FIFA despues cu gobierno local a defende e celebracion di e weganan ora a gana Copa America cu un cantica racista dirigi na Francia, cu ta di dos luga den e ranking.

E repercusionnan di e cantica a ser graba diadomingo

ultimo na Miami na unda tabata burla di e descendencia Africano di hungadonan Frances—cual ta continua cinco dia despues—incluyendo e rechazo na criticanan di e vice-presidente di gobierno di Javier Milei, Victoria Villaruel.

Gobierno Argentino diaran son ultimo a retira di su funcion un di su lidernan di de-

porte, esun cu a pidi Lionel Messi y presidente di e Asociacion di Futbol Argentino pa pidi dispensa.

Villaruel a sigura cu historia di Argentina a ser crea pa personanan di tur rasa: “Argentina ta un pais soberano y liber. Nunca nos tabatin colonianan ni ciudadanonan di segunda. Nunca nos a impone nos forma di bida riba



ningun hende. Pero tampoco nos ta bay tolera cu nan lo kier haci cu nos.”

Di otro banda, e dos competencia continental di mas importante, Eurocopa y Copa America a finalisa. Pa e motibo ey, a yega momento di actualisa e ranking di FIFA, e cual a haya bastante movicion debi na resultadonan di e ultimo luna.

Argentina ta mantene su prome luga den clasificacion mundial despues di a bira e campeon na Merca, mientras cu Mexico a baha di posicion despues di su salida den fase di e gruponan. Esun cu mas a subi cu 17 puesto ta Venezuela, cual a yega number

37, Republica Checo a baha 13 puesto, e mayor caida den edicion aki, ora Spaña a keda campeon di Europa. Merca a baha cinco luga y a keda na posicion 16.

E top 10 di ranking mundial ta:

1. Argentina (=)
2. Francia (=)
3. España (+5)
4. Inglaterra (+1)
5. Brasil (-1)
6. Bélgica (-3)
7. Hulanda (cu a keda igual)
8. Portugal (-2)
9. Colombia (+3)
10. Italia (=)



De Algemene Rekenkamer
roept belangstellenden op voor de functie van
onderzoeker

De Algemene Rekenkamer is het onafhankelijke controleorgaan van Land Aruba. Als een Hoog College van Staat, onderzoekt zij of de financiële middelen van het Land rechtmatig en doelmatig worden ontvangen en uitgegeven. Over de door haar uitgevoerde onderzoeken rapporteert de Algemene Rekenkamer aan de Staten en de verantwoordelijke ministers.

Informatie en aanmelding:

Wilt u als onderzoeker bij de Algemene Rekenkamer aan de slag en voldoet u aan de eisen? Stuur dan uiterlijk 15 augustus 2024 digitaal en in het Nederlands uw motivatiebrief en curriculum vitae, gericht aan de voorzitter van de Algemene Rekenkamer, mevr. drs. F.X.A. Croes-Williams. Deze kunt u sturen naar het e-mailadres rekenkamer@aruba.gov.aw. Eventuele nadere inlichtingen kunt u inwinnen bij de secretaris, mevr. drs. M A. de Jong-Curet bereikbaar op telefoonnummer 582-5448 of ma.curet@rekenkamer.aw.

Voor meer informatie over de Algemene Rekenkamer en de functie van Onderzoeker, ga naar onze website www.rekenkamer.aw

AS OF 18 JUL 2024

RANK	TEAM	POINTS	+/- POSITION
1	ARGENTINA	1901.48	0
2	FRANCE	1854.91	0
3	SPAIN	1835.67	+5
4	ENGLAND	1812.26	+1
5	BRAZIL	1785.61	-1
6	BELGIUM	1772.44	-3
7	NETHERLANDS	1758.51	0
8	PORTUGAL	1741.43	-2
9	COLOMBIA	1727.32	+3
10	ITALY	1714.29	0



Comite Olimpico Arubano rumbo pa Paris 2024!

Diaranson atardi na Aeropuerto Internacional Reina Beatrix a sali rumbo pa Weganan Olimpico Paris 2024 Hefe di Mision, Kamilah Dammers, Secretaria General di COA, Nicole Hoevertsz y miembro di Direccion di Deporte, Monica Fajardo.

E prome dia nan di trabou pa Hefe di Mision, Kamilah Dammers lo ta reunion di Hefenan di Mision representante nan pais na Paris 2024 y ricibi e detayes di e cambenan cu nos atleta nan



lo hospeda na e Olympic Village y conjuntamente cu Monica Fajardo yama bon bini na e prome atleta nan cu

lo ta yegando e fin di siman aki na e Villa Olimpico.

Secretaria General di Comite Olimpico Arubano y Vice-Presidente di IOC, Nicole Hoevertsz lo tin diferente reunion entre otro e Weganan Olimpico Paris 2024 como tambe LA 2028.



ta Aruba durante Weganan Olimpico Paris 2024.

E diseñonan di e uniform ta representa nos fauna y e color blauw riba e uniform ta representa nos lama. Banda di esaki, e costurero Sr. Ramon di Staylay a confecciona e trahe oficial pa apertura di e ceremonia di Weganan Olimpico Paris 2024.

Pa prome biaha e apertura di Weganan Olimpico e delega-

cionnan lo ta riba un boto cu lo traspasa mas di 6 km riba e riu de Seine cu ta recore den e ciudad. Ta premira cu mas di 300 mil persona lo ta presente pa mira e gran desfile di Weganan Olimpico Paris 2024.

Ta desea Shanayah Howell, Chloe Farro, Ethan Westera, Just van Aanholt, Mikel Schreuders y Philip Elhage hopi exito durante Weganan Olimpico Paris 2024.

Team Snor y Bou Palo Gang lo habri temporada!

Shonnan amante di domino riba steroid, e famoso temporada di domino aya n'e palacio di domino na Kudawechea, mundialmente conoci como Domino Square Garden, ta bay cuminsa diasabra awor, 20 di juli, pa 8'or di anochi!

Si señores, amante di domino estilo AI, e palacio di domino na Kudawechea a haya un "overhaul" completo, y a keda manera nan ta bisa na hermana isla Corsou "lulush-lulush"! Lombrá so, blink blink, "spic en span" manera nan sa bisa na Hulanda, un cos di admira y e diasabra aki lo tin bautismo y habrimento di temporada di domino bush league cu e bataya entre e dos rivalnan eterno, nada menos cu Team Snor y Bou Palo Gang!

Fanaticada di domino, esaki no ta cos di perde! Manera semper, entrada pa publico en general ta completamente gratis, y durante half time e

pasapalonan lo core manera trein totalmente por nada. E lider di Team Snor, e flamante Nelson "Snor" Perez, kiermen cu e aña aki nan kier habri "with a BANG!" Su meta ta pa cera e temporada na december invicto, "zonder kleerscheuren" manera ta bisa na Hulandes! Un meta hopi ambicioso, pero manera Snor mes ta bisa "Shoot for the stars, if you miss, you can still reach the moon!"

Kiermen shonnan, diasabra awor, 20 di juli, cuminsando pa 8 or di anochi, e mondi lo wordo pega na candela, e bataya den pega piedra lo cuminsa c'un encuentro clasico, esta e wega grandi entre Team Snor contra Bou Palo Gang. Ken lo t'e prome vencedor? Ken lo t'e prome victima? Bin presencia pa bo mes diasabra awor n'e unico y mundialmente famoso Domino Square Garden aya net n'e grens entre Calabas y Kudawechea. Yega!



We are looking for...

The Marketing Unit is responsible for developing and executing all marketing, branding, and communications strategies, policies, and plans for the A.T.A. and the Aruba brand as well as executing all marketing-related activities.

Branding & Niche Manager

The Branding & Niche Manager is co-responsible for the research and analysis of branding-related activities, the development of branding strategies and policies, providing branding advice, exploitation of the Aruba brand, the development of the niche marketing strategy and niche plans as well as the management of the branding & niche unit.

Interested and eligible candidates can submit their application and motivation letter via our Career Portal.

The deadline for applications is August 2, 2024.



SCAN ME!
And visit our Career Portal for more information about the positions and requirements.



Geraldine Bazan a confirma demanda contra Maxina Woodside: “Mi a dicidi halsa mi bos pa e muhenan cu ta victima di violencia”

E actriz a obtene un orden di restriccion contra e locutora y 2 di su colaboradornan



(Infobae) - E Actriz Geraldine Bazan a confirma cu el a entrega un demanda contra e locutora Maxine Woodside y su colaboradornan Vicky Lopez y Marco Silva, pa violencia di genero y acoso den media contra su persona y su dos yiu muhe, ambos cu ta menor di edad.


Diamars riba e red social X a filtra imagennan cu stempel di Fiscalia General de la Justicia na Ciudad de Mexico, cual a ser entrega na e locutornan di e unda nan ta traha.

E documentonan ta notifica e comunicadornan di un dossier di investigacion pa e supuesto delito di discriminacion y violencia contra e actriz y su dos yiu. Na mesun tempo, ta informa

nan cu mientras e proceso ta cana, nan no por menciona e victimanan ni tampoco topa nan of purba tuma contacto cu nan.

E demanda ta bini pa motibo cu Maxine Woodside a haci algun remarca un par di siman atras, unda el a bisa cu Bazan su matrimonio cu Gabriel Soto den medio di rumor di e separacion di e actor cu Irina Baeva. “Di kico Geraldine Bazan tabata bay papia si no di con el a ser gana?.. Prome, Con el a casa? Esey e no a conta. Nan a sali un solo anochi y anochi aki el a keda na estado,” Woodside, ken ta yama su mes ‘Reina de la Radio’ a comenta.

Vicky Lopez a menciona na su momento a menciona cu e embaraso di Geraldine Ba-



zan no tabata plania. “E tabata solamente e punta, pero, ki bo ta kere? E dia ey el a pega,” Woodside a agrega.

Un dia despues cu e demanda contra e periodistanan a filtra, Geraldine Bazan a emiti un comunicado unda el a segura cu su demanda tin e meta di crea e standard di alsa bo bos contra violencia di genero y discriminacion: “Manera hopi di boso sa caba, mi bida personal a bira topico di opinion, den cierto programa

di radio, cu ta incita violencia contra genero y cu ta purba ataca mi dignidad. E decision aki ta principalmente pa mi yiu, kendenan ta menor di edad cu ta mira nan mes afecta,” e comienso di e comunicado a expresa.

E actriz a afirma cu loke e ta busca ta, di ta un ehempel pa motiva otro hende muhe cu ta victima di violencia pa duna balor na nan derechonan. “Mi a dicidi halsa mi bos pa e muhenan kendenan ta vic-

tima di violencia constante via opinionnan misogino, cu ta un burla y discriminatorio disfrasa como cherche e libertad di expresion. Esaki, cu e obheto di invita boso pa stop di normalisa e conducta aki y tiki señala na nos pais.”

El a finalisa e comunicado enfatisando cu e autoridadnan a establece medidanan na favor di dje y su yiu. nan durante e transcurso di e proceso legal contra e 3 locutor.

Sample di cantica Hulandes 53 aña bieu usa den Eminem su album nobo

(NLtimes) - Eminem su album nobo, The Death of Slim Shady (Coup de Grâce), ta haci uso di sample di un cancion Hulandes for di aña 1970.

Soukje Smit di e duo Hulandes Mouth & McNeal ta sorprendi y ta sinti elogia pa mira cu parti di nan cantica ta riba e album, e cantante a conta De Telegraaf.

E sample ta bini for di e cantica Land Of Milk And Honey, un cancion riba e banda B di e duo su lbum di 1971 How Do You do. E ta usa den e cancion di Eminem titula Lucifer. “Mi no tin ningun idea di con el a haya e cantica,” Smit a bisa. El a forma parti di e duo bao di e nomber Maggie MacNeal. “Claramente, esaki lo bira un bon anecdota pa mi fiesta di cumpleaños,” e cantante di 74 aña a conta e corant.

Compositor Hans van Hem-




ert, ken a yuda skirbi Land Of Milk And honey, ta sospecha cu e productor Dr. Dre ta corda e cantica for di su hubentud. “Probablemente el a haya e disco di regalo for di su mayornan tempo e tabatin mas o menos 7 aña y a tambe a tende e otro banda. Ora cu e tabata buscando sample pa e album aki, sigur el a recorda nan for di e tem-

ponan ey.”

Van Hemert a yama e hecho cu e sample a ser usa pa Eminem un “gloria” dedica na su trabao. E ta premira cu e lo ricibi algun ganashi pa esaki. “Mi nomber ta inclui den e creditonan di e cantica, pero esey lo ser maneha via e compania di grabacion.”



Greenhouse ta birando mas popular pero tin tiki investigacion riba con pa proteha e empleadonan



(AP) - For di bandanan opuesto di mundo, e condicionnan inconfortabel cu Shamim Ahamed y Purvi Tiwari a experiencia haciendo investigacion separa dentro di greenhousean a inspira nan pa studia e calor den e structuranan den interior.

Tiwari, un investigador na Indira Gandhi Agricultural University na India, a realisa cu e efecto di amplia calor di un greenhouse ta un preocupacion grandi cu mester ser studia pa motibo cu e mes a experencia dolor den pia, nausea y mareo, cual ta e mesun kehonan cu e empleadonan a describi despues.

Temporadanan di zomer pafo ta yega te hasta 50 grado Celsius na partinan di India, unda e empleadonan di greenhouse ta sinti “cu nan ta ser sofoca paden.” El a agrega cu den e ultimo 5 aña, greenhouse a bira un moda den mundo di propiedad. “Sitianan di trabao no mester causa daño na ser humano,” el a comenta. “Si e luga di trabao ta causando daño na e persona, esaki ta nifica cu e no ta bon pa traha. Esey mester cambia.”

Na Merca, e censo agricul-tural mas grandi ta muestra cu e cantidad di empleado den

greenhouse na Merca a aumenta cu 16,000 den añanan recién. Sinembargo no tin reglanan di calor federal aunke e greenhouse a bira mas popular y cantidad di empleado den nan tambe a aumenta. Tin investigación mínimo tocante e experiencia di e empleadonan y nan condicion di trabao amplio ni tampoco riba con pa proteha nan mientras nan ta traha den e ambiente hopi biaha caluroso y humedo.

Sinembargo academiconan for di henter mundo manera Tiwari y Ahamed, ta purbando di cubri e buraco den conocimiento tocante e condicionnan unico di e empleadonan di greenhouse cual nan ta ser exponi na dje.

Bharat Jayram Venkat, profesor asocia y director fundador na UCLA su Heat Lab a bisa cu “tin hopi investigación riba empleadonan agricul-tural pero no investigación cu ta mira específicamente riba greenhouse.” Mayoría di e literatura ta enfoca riba crecimiento di planta y producción den greenhouse, pero no riba e salud di e ser humano.

“Riba superficie e tin sentido, esaki ta loke e greenhousean mester haci. Sinembargo claramente bo mester empleadonan humano den e greenhousean

aki pa nan por funciona,” el a bisa, “pues bo mester pensa tambe riba e salud di ser humano.”

Aña pasa tabata e aña mas caluroso den record y ciudadnan na Merca den varios momento a experencia temperaturanan sumamente halto. Segun United States Department of Agriculture, e balor di greenhouse su benta a aumenta desde 2017. Además, e uso di e programam H-2A pa e programa di empleadonan esencialmente a bira dobel durante e periodo di 2010 pa 2019, cu implicacion pa e empleadonan su habilidad di keha tocante e condicionnan di calor extremo.

Venkat ta anticipa cu mas investigación lo surgi mientras e ambientenan aki ta probabel di bira mas popular cu e condicionnan di clima birando cada biaha menos posibel di anticipa y mas extremo. Leynan manera California su reglanan di calor paden recientemente aproba y e aumento den empleado den greenhouse tambe lo aumenta e interes den studia nan, el a comenta.

Jennifer Vanos, profesor Asocia na Arizona State University, a investiga e limitenan di sobrevivencia y capacidad di trabao físico den calor extremo. Usando investigación lidera



pa un colega, cual a evalua e funcion di e curpa bao varios temperatura, velocidad di biento, humedad y radiacion, Vanos y su coelganen a studia e productividad di empleadonan agricul-tural den un planeta cu ta birando cada biaha mas caluroso.

Den nan resultadonan tabatin cu mientras mas calor tin, menos productivo e empleadonan ta, cual tin implicacion economico. Den e contexto di agricultura, esaki por nifica cu tin menos cosecha y e necesidad pa mas empleado.

Señalnan di stress causa pa calor ta involucra sodamento pisa, dolor y un ritmo cardiaco lihe. Exposicion na temperaturanan extremo tambe por aumenta e riesgo di herida a causa di maero, debilidad of cay flauw. Un heat stroke ta e malesa mas serio relaciona cu calor, cual por pasa ora cu e curpa stop di soda y su temperatura ta aumenta. Ora cu calor combina cu humedad, e ta mas difícil pa sodo por evapora y asina baha e temperatura di e curpa, creando un situacion potencialmente peligroso.

En general, nan resultado a mira cu “pa hende por traha di manera safe, nan mester baha e ritmo di nan curason, cual ta nifica baha e cantidad di ehercicio pa asina nan por eherce e mesun tareanan den un ambiente mas caluroso,” Vanos a bisa.

E buraco den literatura actual, Ahamed a bisa, a causa un “buraco grandi den con e cosnan aki por ser regularisa of crea un standard.” E ta pensa cu mester tin codigonan di edificio basa riba UV, calor y exposicion na humedad además di seguridad pa e empleadonan paden.



Chauffeur no a regula su velocidad ni a mantene distancia pa un auto cu a para pa otro auto sali for di parkeerplaats

Diahuebs mainta a drenta informe di un accidente cu hende herida dilanti Shoco Snack na Schotlandstraat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu un Suzuki Swift a para pa un auto sali for di e parkeerplaats pero e chauffeur di e Audi su tras no a regula su velocidad ni mantene distancia a bay dal tras di e Swift. Debi na e impacto e pasahero den e Swift a resulta herida.

Na yegada di e ambulans nan a atende e victima.



Polis y ambulans mestera a bay yuda persona cu a bay fuera di control banda di Postkantoor



Diahuebs merdia a drenta informe di cu tabata tin un persona fuera di control banda di Postkantoor, mesora a dirigi tanto polis como ambulans na e sitio.

Na yegada di e patruya a bin constata cu e persona aki tin problema di salud mental. Mesora nan a percura pa hib'e hospital unda eynan nan lo sigui atende.

Desaroyando nos agentenan policial

Cuerpo Policial Aruba y Universidad di Aruba ta uni pa desaroya pre-master den Liderazgo Academico



Cuerpo Policial Aruba ta pone hopi atencion riba desaroyo di liderazgo dentro di e Cuerpo, cu e meta di fortalece liderazgo personal y un organisacion duradero.

Un aspecto importante den esaki ta e desaroyo di conocimiento academico, e habilidad critico y analitico. P'esey altocomisario sr. Ramon Arnhem a acerca Universidad di Aruba (UA) pa un posibel cooperacion.

E resultado di e combersacionnan ta cu 7 polis den e parti di liderazgo cu a wordo selecciona lo cuminsa e siguiente aña academico cu un Pre-master pa e Master Governance and Leadership. E

Pre-master tin un duracion di 1 aña y ta consisti di 5 asignatura den e Wetenschappelijk Bachelor Organization, Governance and Management (OGM).

E programa di WO bacheloropleiding a haña un advies positivo di NVAO (Nederlandse-Vlaamse Accreditatie-organisatie) atrobe na 2023.

KPA y UA ta desea e 7 polisnan selecta hopi exito den studio academico. Di e forma aki KPA ta sigui inverti den e educacion di nos agentenan policial pa asina nan por haya mas conocimiento den nan desaroyo di liderazgo den un forma academico.

5 Auto a pega na candela cu un candela di mondi den cura di un garage

Diaranson atardi a drenta informe di cu tin un candela grandi na un garage na Pabilon, mesora a dirigi bomberonan na e sitio.

Na yegada di e bomberonan a bin compronde cu aki tin un candela di mondi cu a causa daño na 5 auto bomberonan a inicia cu un combate directo riba e candela y evita su expansion. Un Van Honda otro Van Mitsubishi, un Chevrolet Spark, un Honda Fit y un otro auto mas.



Despues di e fuerte combate a domina e candela te cu a paga esaki completamente.



Chauffeur a desvia pa otro auto; el a perde control y a bay kenter den mondi



Diaranson anochi a drenta informe di un accidente cu hende herida pariba di airport, mesora a dirigi tanto polis como ambu-



lans na e sitio.

Na yegada di e patruya a bin compronde cu un chauffeur a desvia pa un otro auto y a perde control bay kenter den

mondi.

Na yegada di e ambulans nan a atende e chauffeur na e sitio mes.



Na Pavia un auto a haya un fayò riba e caminda cu a pone chauffeur accidenta; 3 auto cu daño!



Diahuebs madruga a drenta informe di un accidente na Pavia, mesora a dirigi patruyanan na e sitio.



Na yegada di e patruya a bin compronde cu e auto a haya un desperfecto cu e brake riba caminda y no por a para y a perde control bay dal un

taxi staciona y e impacto aki a manda e taxi dal un Honda staciona tambe.

Aunke e impacto tabata fuerte



cu basta daño pero asina mes afortunadamente ningun hende a resulta herida.

Polis a test e chauffeur pero



e no a surpasa e limite di alcohol.

Diahuebs mainta a drenta informe di cu tin un adicto ambulante drumi dilanti negoshi na Italiëstraat, mesora a dirigi un patruya na e sitio.

Na yegada di e patruya a bin encontra cu e conocido adicto ambulante "Kabouter" drumi y su bicicleta banda di dje. Polis a lante for di soño y informe cu ta mainta caba y solo a sali anto pa e bay haci algo productivo pa su bida.

Mesora el a lanta y a stretch, piki su cosnan y a move bay di biaha for di e sitio.

Polis a haya "Kabouter" drumi dilanti negoshi na Italiëstraat



Departamento di Agricultura, cria y Pesca (Santa Rosa):

Recordatorio pa yega na remarke pa tarifa special di awa pa Cunukero

Departamento di Agricultura, cria y Pesca, Santa Rosa como un departamento responsable ta desea di recorda tur persona cu ta desea di ta un Agricultor responsable, serio cu kier practica esaki y kier yega na remarke pa haya e tarifa special for di WEB Aruba N.V. hunto cu nos departamento mester tene na cuenta cu e rekisitonan aki. Nos ta haci esaki pa motibo nos ta sigui haya peticion y pregunta pa e tarifa special di awa pa Agricultura di AWG 5.50,-

Puntonan cu mester tene na cuenta

Tur cunukero y criado registra na Santa Rosa y cu ta registra na Camara di Comercio (KVK), lo por aplica pa haya awa produci na un prijs fiho di Awg 5.50 pa m3 (meter cubico), cu un compra minimo garantisa di dies (10) m3.

Pa por tin un miho control y estructura, Santa Rosa a establece un lista di rekisitonan cu e Cunukero lo mester cumpli cune pa ricibi e prijs reduci, cual ta encera entre otro;

- E cliente mester tin un parcela di tereno cu un superficie di por lo menos 400 m2 cu ta totalmente destina pa agricultura, horticultura y cria di bestia. Esaki mester ta registra como propiedad di Pais Aruba y destina pa Agricultura/Criansa di bestia of cu ta su propiedad y ta realiza un actividad agricola riba esaki, cual ta registra tambe na Camara di Comercio.
- E cliente mester tin un minimo permanente di 400 m2 di parcela pa uso di agricultura, horticultura y cria di bestia. E agricultura y horticultura no ta inclui explicitamente e floricultura of cultivo di mata di decoracion of cultivo di cannabis;
- E awa suministra via un meter agricola tin di wordo usa pa fin di Agricultura y Horticultura comercial, temporalmente mediante un sistema di irigacion via gota cu tuberianan di distribucion cu su valve y slangnan di awa conecta pa muha e matanan. E cliente ta responsable pa instalacion y funcionamiento di esaki y otro instalacionnan rekeri.
- E cliente ta obliga pa usa e awa di e meter agricola exclusivamente pa su propio parcela y unicamente pa actividad di agricultura, horticultura y cria di bestia. Ta keda prohibi pa usa e awa pa for di e tereno pa cualkier motibo, ni door di e interesado ni pa otronan.
- Den caso di uso di un tanki intermedio (buffer tank), e tanki mester tin un bon ruta di acceso pa e sistema di suministro di awa via e meter di awa pa agricultura pa e parti mas ariba di e tan-



ki, na unda ta almacena e awa cu e conexionnan necesario pa un bon ruta di acceso. E sistema di suministro di awa mester tin un sistema di transito hermetico sin ningun lik.

Ta for di aña 2021 a bira mandatorio pa e Agricultor y Criado sigui anualmente un "Programa di Certificacion di Calidad" conoci como GAP (Bon Practica pa Agricultura) y permiti inspectornan autorisa di Santa Rosa (DLVV), Departamento di Higiene (DVG) y/of WEB Aruba N.V. tin acceso na su instalacionnan pa controla higiena, registro di informacion di produccion of pa tuma muestranan di awa.

E cliente mester ta registra na DLVV/Departamento di Agricultura, Cria y Pesca, Santa Rosa. Na momento cu registra como Agricultor of Criado e persona mester presenta copia di su contract di huur di tereno of titulo di propiedad hunto cu un identificacion valido y firma un, hunto cu un declaracion di cooperacion cu DLVV tocante presentacion di informacion y cifranan di produccion mensual di su proyecto di Agricultura, Horticultura of Cria di Bestia.

Pronto lo bay tuma contacto cu esnan cu ya caba ta registra aki na Santa Rosa pa un carnet oficial cu ta bay sirbi como prueba di registro na DLVV.

Riba e carnet aki lo aparece bo potret y bo informacionnan.

Santa Rosa, lo mester ricibi mensualmente cada 15 di luna un "Informe di produccion" di e cliente.

Den caso cu departamento concerni cu infraestructura retira un tereno di huur for di un persona cu no ta practica agricultura of criansa di bestia, e cliente ta rekeri pa informa DLVV di esaki di inmediato, cual ta haci cu e cliente no lo tin derecho mas pa e tarifa special pa Agricultura of Cria di Bestia. Tambe den caso cu tin un cambio di tereno, DLVV y WEB Aruba N.V. tin cu ricibi notificacion via di un carta of e-mail na info@santarosa.aw.

Si un cliente no cumpli of no cumpli suficientemente cu un of mas di e reglanan ariba menciona, e no ta yega na remarca pa aplica pa e tarifa special pa Agricultura, Horticultura of Cria di Bestia y e acuerdo ta keda termina pa Pais Aruba. (Departamento di Agricultura, Cria y Pesca, Santa Rosa (DLVV) lo notifica WEB Aruba N.V. inmediatamente di e terminacion di e acuerdo aki.

Pa mas informacion por tuma contacto cu Departamento di Agricultura, Cria y Pesca (Santa Rosa) via tel.: 585-8102 of via info@santarosa.aw.



Dia 31 di juli ta ultimo dia pa entrega declaracion definitivo di winstbelasting 2023 y haci pago correspondiente

Dia 31 di juli proximo ta e ultimo dia cu por entrega e declaracion definitivo di winstbelasting 2023 y haci e pago correspondiente. E fecha final tawata 1 di juli 2024. Riba peticion di e asociacion di conseheronan fiscal, Departamento di Impuesto a dicidi pa duna e contribuyentenan un poco mas tempo pa motibo di introduccion di e formulario digital nobo y ta brinda asina tur contribuyente incluso nan consehero fiscal un luna mas di tempo pa por cumpli.

Manera conoci, entrante aña



fiscal 2023 mester entrega e declaracion di winstbelasting den forma electronico via e portal "BO impuesto". Entrega e declaracion y haci

pago E ultimo dia pa entrega e declaracion y haci e pago di winstbelasting di aña 2023 ta bira 31 di juli 2024. Si acaso


no ta alcanza pa entrega e declaracion definitivo pa dia 31 di juli proximo, lo mester entrega e declaracion provisional (voorlopige aangifte) y haci e pago correspondiente no mas laat cu dia 31 di juli 2024. Inspector lo evalua e peticion y si e contribuyente cumpli cu e condicionnan pa extension, e ultimo dia pa entrega e declaracion definitivo y haci e pago correspondiente ta bira dia 2 di december 2024.

















Incumplimento



Contribuyentenan cu no cumpli cu entregamento di e declaracion definitivo, lo haya un cobranza adicional esta un 'naheffingsaanslag'



includi boet. Mescos ta conta si acaso e cliente a paga un suma menos cu locual el a declara na winstbelasting. E boet pa incumplimento di entregamento di e declaracion ta maximo Afl. 2,500. Si e contribuyente no haci e pago di winstbelasting of no haci e pago corectamente, e boet ta maximo Afl. 10,000.



Departamento di Impuesto ta conseha tur contribuyente di winstbelasting y/of nan conseheronan fiscal pa no warda te na ultimo pa entrega e declaracion y haci e pago di winstbelasting correspondiente pa evita un cobranza adicional (naheffingsaanslag) y e boet pa incumplimento.

Resultado Sorteo Juli 18			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
2848	7117	2834	9972
0134	4847	SUPER5	7375
7284	8329	70317	8683

MERDIA	ANOCHI
 Sorteo # 4330 8935 8575 7336  X2  Sorteo # 4330 3007  X2  Sorteo # 2386 4411  Sorteo # 4330 6265 Leo  Sorteo # 1204 024  X2	 Sorteo # 8297 0848 3742 9186  X2  Sorteo # 7341 9468  FP  Sorteo # 2046 1099  Sorteo # 6100 9891 Tauro  Sorteo # 1030 185  X2

 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 110.000,-
 Sorteo # 6536 0 x Jackpot 7 x Match 4 101 x Afl 8,00	01-14-18-19-27 Proximo Jackpot 53.000,-

 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 370.000,-
 Sorteo #	Afl. 500.000,-

 Sorteo #	
---	--

Festival di canta di Fundacion Bernadina Growell-Kock



Fundacion Bernadina Growell-Kock ta informa cu por inscribi ainda pa participa na e festival di canto na Mama di cultura.

Esaki ta posible via Jose Orman cel:561-4450. Por pasa tambe pa inscribi dia 19 di juli na cas di difunta Bernadina Growell-Kock situa na Brazil 43. E orario lo ta di 7.00 pm — 9.00 pm. Fundacion lo t'ey pa ricibi

un y tur cu kier join y participa na e bunita Festival aki cu cancionnan di Bernadina y otro cancionnan tipico di otro compositor nan. Ya caba tin varios agrupacion musical cu a inscribi y cada un tin diferente participante. Fundacion ta invita tur esnan cu kier participa pa yama mas pronto cu ta posible of pasa diabierna di 19 juli 2024. Tambe ta bay tin carchinan di entrada diabierna.





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Central Seroe Preto
Tel. 585 1965 Tel. 584 4833
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Departamento di Cultura:

**Awe ta e final di competencia hubenil Gang
di Arte Aruba 2024; Ta invita pueblo pa bin
presenci'e**

**Departamento di Cultura
Aruba, conhuntamente
cu Popcorn Club Aruba y
Fundacion Tur ta Posibel,
ta invita pueblo en gen-
eral pa bin presencia e fi-
nal di e Proyecto Dream,
Dare, Do & Gang di Arte
2024.**

Despues di un siman di dife-
rente tayernan riba diferente
disciplina manera e.o. Baile,
Teatro, Musica, Arte Visual,
Audio Visual y Arte di Pal-
abra cu a wordo duna pa in-
structornan local y interna-
cional, awo lo bay tuma luga
e presentacion di nan arte.

Durante e tayernan, e hoben-
nan ta siña descubri nan talen-
to scondi y asina ta cum-
insa desaroya esaki, pa medio
di traha un obra propio, cre-
ativo y original. E presenta-
cion y creacion mester carga
e tema central cu pa aña 2024
ta "UNION". E tayernan
a wordo brinda pa Dream,
Dare, Do, un Proyecto den
cooperacion cu Gang di Arte
Aruba di Departamento di
Cultura.

E final di Competencia
Hubenil Gang di Arte Aru-
ba, lo tuma luga awe, diabi-



erna 19 di juli 2024, na Cas di
Cultura, iniciando pa 6:00pm
te cu 9:00pm. E entrada lo ta
completamente gratis pa tur
hende.

Un total di 13 grupo lo ta
participando den e compe-
tencia den diferente discip-
lina artistico.

Durante di e anochi aki, tam-
be lo conta cu presencia di
invitadonan di Gang di Arte
Bonaire cu a bini Aruba pa
a forma parti di e grandioso
intercambio artistico hubenil

aki.

Ganadonan di e edicion Gang
di Arte 2024, lo tin e opor-
tunidad di ta e cara hubenil
cu lo sigui profila nan talen-
to durante henter aña den
diferente actividad nacional
como internacional.

Por ultimo un bes mas un in-
vitacion general na un y tur,
specialmente na famia y con-
ocirnan di participantenan di
e Proyecto Dream, Dare, Do
& Gang di Arte 2024.

Pronostico di tempo

Tempo:

Awe tardi y awe nochi:
parcialmente nubla y
generalmente seco
Den marduga y mañan:
temporalmente hopi nubla
cu un awasero breve

Temperatura maximo 34
grado celsius
Temperatura minimo 28
grado celsius
Indice di calor (heat index)
den y rond

Di oranan di merdia: 35 pa
40 grado celsius
UV index: 12

Bahada di solo : 7:09 pm
Subida di solo : 6:23 am

Biento:

Moderate te basta fuerte for di
generalmente direccion oost;
Forsa 4 te 5 (20 te 39 km/ora,
11 te 21 nudo).
Durante di dia fuerte te duro
den rafaga; Forsa 6 te 7 (40
te 61 km/ora, 22 te 33 nudo)

Situacion general di tempo
pa proximo 24 ora:
Na e momentonan aki no
tin disturbio di importancia
pa clima local. Humedad
disponible den region



por pone temporalmente
nubianan aumenta cu un
awasero local. Un siguiente
ola tropical lo dreña area
oost di Caribe awe nochi
y lo trece humedad den
region durante di weekend,
aumentando e chensnan pa
awasero e ora ey.

**Condicionnan maritimo/
estado di lama:**

Na partinan protegi di costa:
keto, rond di 1 pia.
Na partinan zuid: trankil te
modera entre 2 pa localmente
3 pia.
Na partinan oost te
noordwest di costa:
Generalmente modera cu
olanen alrededor di 3 pa 4,
localmente 5 pia.

Aurora

Royal Pray

Funeral Home & Crematory

"Dios ta amor... y amor ta Dios,
maske mi no ta na e mundo aki, tur
dia lo mi ta banda di boso Curazon,
mi por stens di loke Señor ta hasi"
Salmo 33

Cu inmenso tristesa na nos
curason pero conforme cu Dios
su boluntad, nos ta participa
fayecimento na Hulanda di nos
kerido ruman:



Sr. Alberto Ras
cariñosamente yama "Bety"
*24-08-1948 - † 17-07-2024

Mayornan: † Ale – Lika Ras

Na number di su esposa:
Lucita Ras-Kock

Yiunan:
Sharlyn y famia
Albert y famia
Peter

Sua: Luis Kock

Rumannan:
Nita y famia
Rita y famia
Alida y famia
Eli y famia
Reina y famia
Elva y famia
Mirtha y famia
Johnny y famia

Su rumannan cu a bay den feliz memoria
Demas famia, subrino- y subrinanan, primo- y primanan,
tanta y omo respet, ihanan y cuñanan.

Acto di entierro lo tuma lugar na Hulanda.

Ta keda cordialmente invita pa un sacrificio di misa na Misa
Inmaculada Concepcion na Sta Cruz, diabierna 19 di juli
2024 pa 7or di anochi, pa descanso di alma di Bety Ras.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Na number di famia Samon,
Sjiem Fat y demas famia, nos
ta anuncia fayecimiento di nos
querida Mama, Abuela y bis-
Abuela;



Jacqueline Cornelie Samon
Mihor conoci como:
"Moeder Ine," "Oma Ine"
*27-05-1930
†06-07-2024

Yiunan:
Johan y Lydia Booi-Sjiem Fat
†Loesje Sjiem Fat
Paultje Sjiem Fat y Alba Chavez-Pareja
Kenneth Sjiem Fat

Nietonan Stima:
Johnathan
Olivia
Gabriela
Denzel

Oma Ine Su Cuidadornan:
Dorrette Lovelace
Margareth John
Elvia Tromp

Despedida a tuma lugar den circulo priva di famia.

Nos ta agradeci tur condolencia y bonita recuerdo nan
expresa di tur nos famia y amistad nan den e dianan
dificil aki.

Aurora

Royal Pray

Funeral Home & Crematory

Cerca Dios so mi alma ta na paz
Ta di Dje mi salbacion ta bini.
E so ta mi baranca y salbacion.
Salmo 62



Despues di a traha cu dedicacion y
amor pa Señor na e mundo aki nos
mester despedi di nos casa, papa, welo,
ruman, omo, amigo y ruman den
Cristo. Papa Dios a manda yame pa
sigui cu su bunita obra cerca nos Tata
Celestial den e Reino priminti.

Cu inmenso tristeza pero conforme cu Papa Dios su buluntad nos
ta anuncia morto di

Thomas Pacificus Quandus
Mihor conosi como "Tom"
Subida di solo: 14 di November, 1939
Bahada di solo: 12 di Juli, 2024

Na number di su:
Querida esposa: Anna Regina Quandus-Lopez

Yiunan:
Ivan & Gisela Quandus - Campbell
Ivette Quandus
Marlon & †Emiliana Quandus- Marquez Dominguez

Nietonan:
Keith Quandus
Darien & Andres Rodriguez - Quandus
Darl Quandus & Stacey Celair
Denzel Quandus (Hulanda)
Azilea Quandus (Canada)
Kiara Quandus

Bisanietonan: Jayden Kock & Ky-Mani Quandus

Rumannan cu ta bai falta su presencia :
Edita Quandus
Juliana (Nanita) Tromp
Paulita Quandus
Jerry (Tun San) Chai

Tambe su rumannan den feliz memoria

Swa y cuña nan famia:
Fortunata Tromp
Frans Kelly
Marcus & Diana Dorival
Arcadio Lopez
Irena & Ale Croes
Mildred Lopez

Subrinonan:
Richard- Roy - Elvira - Elviro- Nelson - Eddy - Franklin- Vivian
- Grecia- Nelson - Esmay - Alvin - Clarete - Ingrid- Maritza
- Pamela- Errol -Elvia-Helen- Sacha - Michel - Germaine -
Patrick - Anton-Tanya-Kai Fu - Kealin.

Tambe subrinonan den feliz memoria
Ihanan: Alain Croes & Kindra Sprok.
Primo & prima cu nan famia.
Tur su bon amigonan di cas: Kenneth & Ingrid Sprok, Glenn Roy,
Kenneth Stein, Rudy Lampe, Henry & Linda Cheng, Robby &
Diana De Kort.

Bisiñanan di Tanki Flip, mucho hopi menciona.
Na bida a fungi como director di su propio oficina: Architecten
Bureau Thomas P. Quandus.
Senador di Aruba Jaycees.
Co - fundador di Renobacion Charesmatico Aruba. & Scol di
Evangelisashon
Fundador di grupo di Oracion: "Bida Nobo den Cristo".
Director di "Ministerio Peregrino".
Miembro di ADIAA Asociacion di Ingenieronan I Architectonan
Arubano.

Famianan:
Quandus, Lopez, Eckmeyer, Campbell, Marquez Dominguez,
Hieroms, Rodriguez, Celair, Ridderstap, Gavidia, Tromp, Lewis,
Geerman, Webb, Albertz, Dubero, Chai, Kalis (USA) Tromp &
WU (Curacao), Maduro, Pietersz, Martha, Hutchinson, Kelly,
Dorival, Croes.

Oportunidad pa condolencia:
Aurora Funeral Home - Diahuebs, 18 di Juli, 2024 for di 7:00 PM
- 9:00 PM.
Invitacion pa acto di entierro cu lo tuma lugar diabierna, 19 di juli,
2024 na Misa Sta. Anna na Noord for di 9:00 AM - 11:00 AM y
despues di response lo sali pa Santana Catolico na Noord.

Nos disculpa si nos por a lubida algun hende den nos tristeza.
Nos ta gardici cada un cu por compana nos.

Ta aprecia comprension cu despues di entierro nos no por acepta
bishita di condolencia na cas.

Aurora

Royal Pray

Funeral Home & Crematory

"Bou di alanan di Dios mi
ta sigur"
Abo ku ta biba bou di
amparo di Altisimo,
ta hospedá den sombra di
Dios Omnipotente,
bisa Señor: "Mi refugio, mi
forti, mi Dios, den kende
mi ta pone mi konfiansa"

Salmo 91:1-2

Cu honda pena nos ta
anuncia fayecimento di:



Albertina Maduro-Boekhoudt
Cariñosamente yama: "Manira"
*21-07-1935 †17-07-2024

Acto di entierro lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta
bunita
Laga tur locual cu mi encontra
na caminda ta bunita
Laga tur locual cu mi laga atras
keda bunita y
Laga esakinan termina den tur
buniteza.
Autor: Cado Weber



Cu dolor na nos curason, nos ta participa
fayecimento di nos ser stima:

Sr. Mario Donata
cariñosamente yama "Mai of Mo Mai"
*06-02-1933 - †18-07-2024

Acto di entierro lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Yora cu m'a bay of gosa cu m'a biba.. Sera bo wowo y resa pa mi bin bek of habri bo wowo y mira tur recuerdonan bunita cu a ked'atras... Bo curason por ta bashi pasobra bo no ta mira mi mas of bo curason ta yen di amor cu nos a comparti... Bo por yora sera bo mente, sinti e bashi y bira lomba of bo por haci loke semper mi a gusta: conta chasco, hari y gosa bida!"



Cu inmenso tristeza na nos curason, nos ta participa fayecimento di nos tata stima:

Sr. Vicente José Henriquez

Ex hungador di SV Bubali Sportclub
Ex hungador di Barracuda Billiard Team
Mihor conoci como "Dada" of "Ten Ten"
Pa su nietonan/bisnietonan: "Dadayo" of "Payo"
*15-04-1928 - *12-07-2024

Na number di su casa stima:

†Petra Henriquez - Christiaan

Na number di su yunan:

†Yolanda y Benito Trimon - Henriquez

Myrna Henriquez

Gilbert y Lincke Henriquez - de Beer

Jimmy Henriquez

Vivian Henriquez

Su nieto (a) nan:

Randall y Adelin Trimon - Geerman

Elton Trimon y Jeanice Filiciana

†Aldrich Trimon

Ransy Trimon y Lilianne Saladin

Beatle Nadall y Crystal Brown

Angelle Nadall

Nathasja y Alexis Saridakis

Lisa Henriquez

Naomi Henriquez

Su bisanieto (a) nan:

Abigail, Randerly, Randall Trimon

Anaya Ellis

Ayshelin y Gionvick Trimon

Zayn, Quinttin, Tariq Nadall

Marcus Burleson

Zoë y Dèmis Saridakis

Su ruman nan den feliz memoria:

†Emilia Franken Henriquez y familia

†Angela Henriquez y yui

†Catarina Loepstok - Henriquez y familia

†Catrin Tromp - Henriquez y familia

†Hyacintha Henriquez

†Esteban Henriquez y familia

†Cecilia Zievinger - Henriquez y familia

Cuñan nan:

Maria Tromp y familia

†Petronilla Figaroa y familia

Bon amigo (a) nan di cas:

Mariano Geerman y familia

Mario Vrolijk y familia

Ineke Rosaria y familia

Rita Figaroa y familia

Bon bisña nan:

Chita Perez y familia

Esmeralda Tromp - Jacobs y familia

Su mascota stima:

†Knut

Subrino y subrinanan, primo y primanan, comer y compernan, ihanan, tur su bon bisñanan, conocirnan y demas famia: Henriquez, Jacobs, Christiaan, Farro, Trimon, de Beer, Loepstok, Tromp, Falconi, Zievinger, Figaroa, Geerman, Britten, Dijkhoff, Nadall, Burleson, Leander, Simon, Ellis, Saridakis, Saladin, Brown, Filiciana.

Acto di entierro lo tuma lugar diasabra 20 di juli 2024 di 2or pa 4or na Parokia St. Anna na Noord. Despues lo sali pa Santana Catolico na Noord.

Ta pidi disculpa si den nos tristeza nos por a lubida algun famia of conocir.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Senor ta mi wardador, mi'n tin falta di nada, den cunucu di yerba berde e ta ponemi sosega. E ta hibami na awa trankil pa mi bolbe haya forsa".
Salmo 23



Cu inmenso tristeza na nos curason pero agradecido pa tur locual cu e la nifica pa nos, nos ta anuncia fayecimento di nos querida mama, wela, ruman, tanta, amiga stima:

Mathilde L. De Cuba-Lampe

Mihor conoci como: "Matty" vuida di Candido "Chico" de Cuba
*16-07-1939 - +13-07-2024

Na number di su:

Esposo: †Candido "Chico" De Cuba

Yunan:

†Andre De Cuba

Godefrido de Cuba y familia

Vivian de Cuba y familia

Nietonan:

Andre de Cuba y familia

Nicholas Pulmutter y familia

Christian Ramos

Chloe de Cuba

Jonathan de Cuba

Angelo de Cuba

Yanis de Cuba

Francisco de Cuba

Rumannan:

Juancho Lampe y familia

†Trina Paskel y familia

†Fanny Lampe y familia

†Benancio Lampe y familia

†Gloria Lampe y familia

†Benny Lampe y familia

Swa:

Eric de Cuba y familia

Un gradecimento especial pa e atencion:

Adelita Paskel y familia

Sandra Paskel y familia

Marco Paskel y familia

Y demas famia na Aruba, Hulanda y Merca: Lampe, De Cuba, Cacace, Paskel, de Kort, Rollock

Kier a invita tur amigo, bisña y conocir pa asisti na e celebracion di su bida y ceremonia di despedida cual lo tuma lugar diasabra 20 di juli 2024 di 9or pa 11or di mainta na Pray Funeral Home na San Nicolas. Cremacion lo tuma lugar den seno familiar.

Deseo di e defunto pa bisti colornan alegre.

Enbes di flor of krans un donacion pa Aruba Animal Shelter lo ta altamente aprecia, lo tin un box disponible pa e bunita gesto aki.

Nos ta pidi disculpa si den nos tristeza nos por a lubida un of otro famia of amiga.

Nos ta lamenta cu despues di entiero nos no ta ricibi bishita di condolencia na cas.

Conoce Crush: E lobster Oraño cu a scapa di cushina pa termina na acuario danki na fanaticonan di Denver Broncos



(AP) - **Downtown Aquarium na Denver tin un residente nobo, un lobster oraño cu a ser rescata for di un cargamento entrega na restaurant di Red Lobster na Pueblo, Colorado.**

Un empleado di termino largo ken ta laba tayo y ta trahado di biscuit na e restaurant a mira e lobster mientras e tabata baha e carga diabierna ultimo y a alerta e managernan di e restaurant, segun e oficialnan di acuario a bisa. E empleadonan a yama esaki Crush, na honor di Denver Broncos su defensa Orange Crush legendario for di 1976 te cu 1986.

"Mi persona y varios di mi ekipo a nace y crece como fanatico di Denver Broncos, asina cu mi a wak e color di e lobster, nos tabata sa cu Crush

lo ta un representacion excelente," Kendra Kastendieck a bisa, e restaurant su manager general."Y nos tur kier pa nos linea di defensa ta asina bon atrobe."

Ora cu Pueblo Zoo no por a acepta Crush, Kastendieck a yama Downtown Aquarium, cual e ta bisa tabata interesa di biaha.

Kastendieck a empaca Crush cu pakinan di ijs den un container di foam y a entrega esaki na e acuario riba diaranson.

"Asina cu nan a logra tin su tanki di cuarentena cla y completamente aclima pa e lobster na Denver Aquarium, nan a hink'e a den. E tabata hopi activo for di comienso y tabata explorando su area nobo," Kastendieck a bisa diahuebs.



Canada:

Persona femenino a bira comandante di e Forsanan Arma Canades pa prome biaha

(AP)—Un persona femenino a bira e top comandante di e ehército Canades pa prome biaha. General Jennie Carignan a tuma over oficialmente e comanda di e Forsanan Arma Canades durante un ceremonia na e Canadian War Museum na Ottawa ayera.

Prome minister Justin Trudeau a bisa cu Carignan ta e prome hende muhe pa lidera e ehército di cualkier pais den aliansanan G20 y G7. “Esey por crea un modelo y un cambio pa loke ta posible pa hende muhe,” Carignan a bisa. “E ta un bon stap pa dilanti. E ta un resultado di hopi, hopi aña den e Forsanan Canades.”

Carignan a subi di rango pa general durante e ceremonia di cambio di comanda, despues di a ser scogi pa e gobierno di Trudeau pa bira



e prome hefe di defensa femenino na Canada.

Trudeau a yam’e un dia historico y a gana Carignan como un persona di bon calibra pa tuma over. El a apunt’e pa e rol na comienso di luna. “Bo ta e prome hende muhe pa bira Chief of Defensa na Canada, e prome den e G7 y G20. Bo ta un ehempel pa tur Canades y mundo,” Trudeau

a bisa durante e ceremonia.

Na 2018, Trudeau a apunta e prome hefe femenino di e Royal Canadian Mounted Police y su gabinete ta 50 por ciento femenino desde cu el a tuma oficina na 2015.

Carignan no un stranhero pa ta prome. E tambe tabata prome hende muhe pa comanda un unidad di combate



den e ehército Canades, y su carera a inclui despleguenan pa Irak, Afganistan, Bosnia y Siria. E ultimo tres aña, e tabata hefe di conducta y cultura profesional, un posicion crea como resultado di e scandal di mala conducta na 2021.

Carignan a yama e promocion un stap natural y a bisa cu e ta gradici. “Mi ta cla p’e. Mi a traha pa hopi tempo,”

el a bisa. El a bisa cu su top prioridadnan ta inclui reclutamento y retencion.

E apuntamento ta bin mientras Canada ta sigui enfrenta critica for di aliadonan di NATO pa no aloca 2 por ciento di su GDP den defensa. E gobierno Canades a bisa recientemente cu e lo cumpli cu su compromiso cu NATO pa 2032, pero ainda no a provee detayenan specifico.

Ursula von der Leyen reeligi pa un segundo termino di 5 aña como presidente di Comision Europeo

(AP)—Legisladornan den e parlamento Europeo a reeligi Ursula von der Leyen ayera pa un segundo termino di cinco aña como presidente di e comision ehecutivo di Union Europeo, dunando e un mayoria comfortable y preveniendo un posible liderazgo inmuun di influencia exterior.

Von der Leyen a hisa ambos mokete den victoria mientras e presidente di parlamento Roberta Metsola a lesa e resultado den e legislatura. El a yama su reeleccion un victoria pa su apoyadornan, legisladornan cu el a yama “pro-Europeo, pro-Ucrania (y) pro-regla di ley.”

E reeleccion ta sigura continuidad di liderazgo pa e aliansa di 27 nacion mientras e ta lucha cu crisisnan manera e guerra na Ucrania y cambio di clima, migracion y deficit den vivienda. Von der Leyen a bisa cu e y su apoyadornan ta trahando “pa un Europa fuerte,” citando temanan di prosperidad, seguridad y defensa.

“Pero lo mas importante ta e



topico global di fortalece nos democracia,” el a bisa. “Nos democracia ta bao atake for di paden y pafo, y p’esey ta crucial pa e forsanan democratico para hunto pa defende nos democracia.”

Un mayoria claro di 401 legislador den e legislatura di 720 asiento a vota pa e democrata Aleman despues di un discurso den cual el a priminti pa ta un lider fuerte pa Europa den un tempo di crisis y polarizacion.

E voto en secreto a bin inmediatamente despues cu a mira un victoria fuerte for di e banda derecha, incluyendo e partido di prome minister Italiano Giorgia Meloni, den e eleccion parlamentario Europeo luna pasa. E partido di Meloni a gana eleccionnan Europeo na Italia cu 28 por ciento di voto.

Den un discurso cu a busca pa aumenta apoyo den e spectrum politico, von der Leyen a priminti pa fortalece e economia di UE, su polit-

ica y agencianan di frontera, aborda migracion y persigui politicanan abordando cambio di clima, mientras tanto yudando campesinonan cu a organisa manifestacionnan contra loke nan ta yama burocracia y reglanan ambiental sofocante.

Tambe el a priminti pa aborda deficitnan di vivienda den henter Europa y a bisa cu e lo apunta un notario pa e region Mediteraneo debi na e varios retonan cu e ta enfrentando.

Durante e ultimo cinco aña, von der Leyen a guia e aliansa entre un serie di crisis, incluyendo e salida di Britania for di UE, e pandemia di Covid-19 y e invasion di Rusia na Ucrania. El a pusha pa un Trato Ambiental diseña pa haci UE clima-neutral pa 2050.

E politico Aleman a ser gaba pa su rol durante e crisis di coronavirus, ora UE a cumpra vacunan colectivamente pa su ciudadanonan. Pero tambe el a ricibi criticonan pa su falta di transparencia relaciona na e negociacionnan cu fabricantenan di vacuna. E corte general di

UE a dicidi diaranson cu e comision no a duna e publico suficiente acceso pa informacion tocante e acuerdonan di compra di vacuna contra Covid-19 cu el a sigura cu companianan farmaceutico durante e pandemia.

Despues di e eleccionnan pa e parlamento Europeo, lidernan di UE a acorda riba e oficialnan cu lo tene e posicionnan clave den e aliansa di comercio mas grandi di mundo durante proximo añanan pa asuntonan manera investigacion riba anticonfiansa y politico den exterior. Banda di von der Leyen lo tin dos cara nobo: Antonio Costa di Portugal como presidente di e Consejo Europeo y Kaja Kallas di Estonia como e top diplomaat di e aliansa di comercio mas grandi di mundo.



WWW.BONDIA.COM

Legisladonan Israeli a vota contra creacion di un Estado Palestino

(CNN) – Administracion di Biden a ricibi un otro rechaso di Israel diaran-son ultimo den oranan di anochi, e biaha aki, di parti di parlamento di e pais pa e apoyo di Merca na un eventual creacion di un Estado Palestino.

E yamada solucion di dos Estado na e conflicto Palestino-Israeli a bin forma parti di e politica di Merca durante decadan, pero ausencia di negociacionnan entre e dos parti y falta di esfuerso sosteni di parti di Washington pa bira realidad ta nifica e fe den e resultado cu a disminui. Diaranson den oranan di atardi, parlamento Israeli a laga su posicion cla, votando 69 contra 9, un rechaso na cualkier creacion di un Estado Palestino.

Entre esnan cu a vota contra ta Benny Gantz, opositor di prome minister Benjamin



Netanyahu. E voto di Gantz ta supone un golpi duro pa esnan na Washington cu tabata mirele como un hende mas inclina den e buskeda di paz negocia cu Palestinonan si algun dia lo bira lider di Israel. Na cambio, e resolucion “tabata un señal pa comunidad internacional cu e presion pa impone un estado Palestino pa Israel ta inutil,” e lider di partido opositor di derecha “Nueva Esperanza,” Gideon Saar, a bisa.

Ministerio di Asuntonan Exterior di Gobierno Autonomo Palestino a condena

e votacion di Knesset y a bisa cu tabata ora di “consenso internacional riba e solucion di dos Estado traduci den medidanan mas practico pa resolve e conflicto, prome cu lo ta hopi laat.”

Administracion di Biden, a mantene firme den su apoyo pa Israel y Netanyahu durante e guerra na Gazad—den cual miles di Palestino a muri—purbando di mantene su linea di larga data cu un solucion di dos Estado lo influi den interes tanto di Israelinan como di Palestinonan.

Netanyahu pa varios biaha a

rechasa e idea. Un dia despues di papia cu Biden den un combersacion telefonico na januari ultimo, e lider Israeli a publica riba e red social X, “Mi no ta bay compromete mi mes den control di seguridad total Israeli vooral riba teritorio di Jordania. Esaki contrario na e creacion di un Estado Palestino.” Si bien lidernan internacional a condena varios biaha e atake lidera pa Hamas contra Israel dia 7 di october 2023, den cual 1,200 persona a

muri y a tuma como rehen mas di 250 mas, algun pais tambe a realiza cambionan importante den nan politica exterior den ultimo lunanan pa reconoce un Estado Palestino.

Ora a haci e anuncio aki na mei, den un medida coordina cu Spaña y Irlanda, e minister di Asuntonan Exterior di Noruega a mara e medida den un respuesta na intervencion Israeli den combersacionnan di paz.

Shete morto den un candela supuestamente provoca na Francia

(DW) – Shete persona, entre nan tres mucha y un adolescente, a muri ayera diahuebs den oranan di marduga den un candela cu supuestamente a cuminsa intencionalmente na un edificio na Niza, Francia.



E candela a destrui un apartamento di piso 7 y ultimo piso di un edificio di un bario popular na e parti west di e ciudad, na unda tin hopi actividad relaciona cu narcotrafico.

Tres mucha di 5, 7 y 10 aña, mas tres adulto a muri den apartamentonan, segun e prefecto di departamento di Alpes Maritimos, Hugues Moutouh a bisa. E di shete victima fatal ta un hoben di 17 aña cual a fayece ora a bula for di bentana pa purba scapa di e candela.

Otro cinco persona a ser rescata na momento cu tabata den bentananan di e bloki di viviendanan.

Un homber di 47 aña ken tambe a bula for di su apartamento a keda gravemente herida, segun e prefecto a informa. Otro dos persona a ser hospitalisa den “relativo emergencia,” segun bomberonan.

“Loke a sucede akinan ta absolutamente terrible, abominable,” e prome minister, Gabriel Attal, cu a bishita e lugá hunto cu minister di Interior, Gerald Darmanin a bisa unda tambe a sigura cu “e investigacion ta avansa” y cu “nos ta buscando tres persona.”

“E pista criminal ta bao consideracion,” un fiscal a declara na e edificio di e suceso. No a duna detaye si esaki ta un delito, pero si a bisa cu expertonan di laboratorio di

Polis di Marsella a yega na lugá di e hechonan “pa realiza examennan na escena di e crimen.” Algun medionan di comunicacion ta sigura cu e vice-alcalde di Niza, Anthony Borre, a bisa cu imagenan di camaranan di seguridad ta muestra tres persona cu cara tapa na e lugá ora e candela a cuminsa, por trata di e causantenan di e candela aki. Borre tambe a comenta cu barío Les Moulins ta un zona cu tabata den renobacion na 2009, pero den ultimo dos aña gruponan di narcotrafico a instala den area aki y ta usa hobennan “como man di obra.” Ademas a bisa cu “esaki ta un barío cu hopi trauma pa e drama aki, cu ta hopi preocupa pa e narcotrafico. Bomberonan a ricibi un yamada den oranan di marduga y a logra rescata varios persona na apartamentonan. E director a señala na un medio local cu “a produci escenanan di violencia extremo, bomberonan por a salba cinco di e personanan aki.” Na Niza a crea un dispositivo di ayudo psicologico pa bisiñanan. Incluso a ofrece ayudo na cuatro bombero cu tabata den estado di shock ora a participa den evacuacion. E edificio na unda a sucede e candela a ser construi na 1977 y tabata obheto di un programa di renobacion den añanan 2000.

ARUBA BANK TA FORMA PARTI DI E CONFERENCIA LIDERA DI ATIA

EMPODERANDO HENDE PA KIBRA NAN ‘LIMITING BELIEFS’

Aruba Trade & Industry Association (ATIA) ta contento pa anuncia e conferencia Lidera cu ta enfoca pa yuda hende kibra nan ‘limiting beliefs’ y logra un mentalidad ‘limitless’.

Herrick Henriquez, Director di ATIA, a splica cu e tema ‘Limitless’ ta trata di kita limitacion personal y habri pa un potencial sin limite.

E conferencia lo conta cu varios orador e aña aki;

Marisol Croes: Un psicologo, Croes lo trata e concepto di ‘limiting beliefs,’ enfocando riba con hende por kibra barera mental pa bira “limitless”.

Jason Geerwin: Conoci pa su compania di Body Zone, Geerwin lo papia riba e conexion entre un curpa fuerte y un mente fuerte, compartiendo habitonan cu ta contribui na forza fisico y mental.

Zena Dennis Tucker: Un figura conoci na Aruba, Tucker a transiciona di e industria di hospitalidad pa bira un coach global den ‘customer excellence. E lo elabora con pa logra excelencia den servicio na clientenan.

Allistair McCaw: Un autor di buki siete bes y coach renombra, McCaw lo papia di cultiva un mentalidad di ‘Champion Mindset’. Su experiencia ta inclui coach di top hungador di tennis y trabou cu Asociacion di Tennis di Merca. Su buki ta inclui “Champion Habit,” “Mindset is Your Super Power,” y “Lead with Purpose Make an Impact.”



ATIA y Aruba Bank ta invita nos hobennan deportivo pa participa gratitutamente. Tin 400 lugar disponibel pa estudiante entre 14 te 20 aña. Henriquez a enfatisa cu cada carchi cu wordo bendi ta contribui na esaki, permitiendo un estudiante pa atende e conferencia completamente gratis.

E evento pa estudiante lo tuma lugá dia 6 di september 2024 na e ballroom di Hilton for di 4:30 pm te 6:30 pm, mientras e evento principal di Lidera lo tuma lugá dia 7 di september 2024.

Pa mas informacion y compra di carchi, por tuma contacto cu e oficina di ATIA, unda cu e team ta cla pa yuda.

Aruba Bank ta invita bo pa forma parti di Lidera 2024, e conferencia aki ta premira di ta un exito.